



გაზეთის ფასი: ერთი წლით ტფილისში 7 მან., ნახევარი წლით 3 მან. და 50 კაპ.; ტფილისის გარეთ: ერთი წლით 8 მან., ნახევარი წლით 4 მან., სამი თვით 2 მან., თითო ნომერი—15 კაპ.

ხელის მოწერა მიიღება: ტფილისში—«წერა-კითხვის გამავრცელებელ საზოგადოების» კანცელარიაში და «კვალის» რედაქციაში, საპოტის ქუჩაზე, № 35.
ტელეფონი № 734.

ფოსტის ადრესი: Тифлисъ, редакция газеты „КВАЛИ“.

შინაარსი: მთავრობის განცხადებანი.—დ. ი. პისარევი, ნ—სა.— შინაური მიმოხილვა.—სხვა-და-სხვა ამბები.—კორესპონდენტები.—რუსეთის ცხოვრება.—სახლგარ-გარეთ.—ძიძა, მოთხრობა ნ. ნაკაშაძისა.—სტუდენტთა კითხვა, ნასტუდენტარისა.—ცოტა რამ სოფლის სკოლაზე. ა. ლაშელისა.—საზოგადო მოღვაწეობის ნიმუში, ნ. კალანდაძისა. ჟურნალ-გაზეთებიდან.—განცხადებანი.

მთავრობის განცხადებანი.

ოფიციალურ გაზეთ კავკაზში მთავრობა აცხადებს შემდეგს:

14 ივლისის სადგ. მიხაილოვას დეპოში საყვირის დაძახების შემდეგ მუშებმა მიატოვეს მუშაობა და ნავთის მილის მუშებთან ერთად შეაჩერეს ტფილისიდან მომავალი საქონლის მატარებელი, ჩამოაგდეს ძირს კემანქანე და კარგერები, გადახსნეს მატარებლის ლოკომოტივი და ისე დააგდეს ლიანდაგზე; შემდეგ ხალხი გაემართა სადგურზე ტელეგრაფის და საქონლის კანტორისკენ, სადაც უნდოდათ მუშაობის შეჩერება. ამის შემდეგ მუშებმა შემოიარეს მთელი სოფ. მიხაილოვო, დააკეტინეს ყველა დუქნები ბაზარში და ბოლოს 500 კაცამდე მიადგნენ რკინის გზის ხიდს, სადაც სურამის და ბორჯომის ტოტები იწყებოდა. ბორჯომიდან მომავალი სამგზავრო მატარებელი იძულებული გახდა შეჩერებულიყო, რადგან ლიანდაგი ხალხს ქონდა დაკავებული. რკინის გზის აგენტების, ადგილობრივი ბოქაულის და ჟანდარმების მოთხოვნა და მუქარა დაშლილიყვენ ხალხმა უყურადღებოთ დასტოვა და წინწამოყენებულ ჯარს რიცხვით 40 კაცს, რომელიც სურამიდან იყო გამოწვეული, ქვის სროლა დაუწყო და იარაღების წართმევა მოუწოდებდა. მაშინ ჯარმა და ადგილობრივმა პოლიციის დარაჯებმა თოფები ესროლეს, რასაც შედეგათ მოჰყვა ექვსი კაცის სიკვდილი და ოცის დაჭრა, რომელთაგან 4 უკვე გარდაიცვალა. ამის შემდეგ ხალხი გაიფანტა და წესიერება აღდგენილ იქნა.

„1903 წელს, 13 ივლისს, მე, ტფილისის გუბერნატორმა, კავკასიის მთავარ-მართებლის მიერ 1902 წელს 18 იანვარს გამოცემულ იმ სავალდებულო დადგენილებათა ძალით, რომელიც წეს-რიგის და მშვიდობიანობის დარღვევას შეეხება, დავადგინე: პოლიციის მოთხოვნილებების შეუსრულებლობისა და ქუჩაში ყრილობის მოხდენისათვის დაპატიმრებულ იქნენ:

ს ა მ ი თ ვ ი თ:

11 ივლისის დილის 10 საათიდან:

პურის მცხოვნი: 1. ერმან ღრეგვაძე, 2. ასლან ერაძე, 2. ვეგენი კაციტაძე, 4. ნესტორ ჩინგუფაძე, 5. სოფრომ კემაკლიძე, 6. ნიკო პეტრიაშვილი, 7. ილიკო სერაძე, 8. დარისპან დაუშვილი, 9. სანდრო დავითულიანი, 10. ანტონ სხირტლაძე, 11. გერასიმ დვალისვილი, 12. სიმონ გიორგობიანი, 13. ბაგრატ სხირტლაძე, 14. ლევან გვენცაძე, 15. თომა სოხაძე, 16. პოლიკარპ კაციტაძე, 17. აექსენტი დოლაბერიძე, 18. მელიტონ ხუციტაძე.

ყასაბანი: 1. ალექსანდრე ცოვიანოვი, 1. სოლომონ კახაშვილი, 3. გიორგი ბეგიაშვილი.

მედროვე 1) იაკობ ბალესტიშვილი.

სამი თვის ვადითვე:

12 ივლისის დილის 9 საათიდან:

მუშა: 1. ავეტიკ ავეტისიანცი, 2. სოლომონ ბულბულაშვილი, 3. სერგო ხანანოვი, 4. არშაკ გეურქოვი, 5. შამილ ტვაური.

მ რ თ ი თ ვ ი თ:

10 ივლისის საღამოს 9 საათიდან:

ნოქარი: 1. ალექსი მაღალაშვილი, 2. ნიკოლოზ კანდელაკი, 3. ალექსი ბერიაშვილი, 4. ბაგრატ არუთინოვი, 5. შაქრო ფუცხურიკიძე, 6. სოლომონ სელიმაშვილი.

„1903 წელს, 16 ივლისს, მე, ტფილისის გუბერნატორმა, კავკასიის მთავარ-მართებლის მიერ 1902 წელს 18 იანვარს გამოცემულ დადგენილებათა ძალით, რომელიც წეს-რიგისა და მშვიდობიანობის დარღვევას შეეხება, დავადგინე: პოლიციის მოთხოვნილებების შეუსრულებლობის და ქუჩაში ყრილობების მოხდენისათვის დაპატიმრებულ იქნენ:

ს ა მ ი თ ვ ი თ:

1. მკედლიძე დიმიტრი (დურგალი), 2. ეძვერიძე ვიქტორ, (ლაქია), 3. ეძვერიძე ილიკო (ლაქია), 4. ბესელია ერასტი (ლაქია), 5. ქოიავა ლუკა (ლაქია), 6. დოლიძე სარ-

დიონ (ლაქია), 7. ბაჯგუა ლევან (მარკერი), 8. ციმაკურიძე იოსებ (ლაქია), 9. სეჯაია ანდრია (ლაქია), 10. თოდუა ილარიონ (ლაქია), 11. ხალთასია გიორგი (ლაქია), 12. კოჭიაშვილი კონსტანტინე (ლაქია); 13. სარაჯაია ტარასი (ლაქია), 14. ედგვერიძე გიორგი (ლაქია), 15. აბრამიანცი ესტატე (შხატვარი), 16. ავაქოვი ივანე (რძის გამყიდავი), 17. მართაშვილი ნიკოლოზ (ნოქარი), 17. ალთუნაშვილი არტემ (ნოქარი), 19. შიშნიაშვილი ილია (ნოქარი), 21. ჯავანაშვილი ივანე (დღიური მუშა), 22. იოანოვი ივანე (კალატოზი), 23. ციცავია ილიკო (ხარაზი), 24. გოლოვაკვი გიორგი (ზეინკალი), 25. საურიშვილი ალექსანდრე (ქვის მთლელი), 26. ლოკიშვილი შაქრო (დურგალი), 27. ფრუიძე საბო (კონდუქტორი), 28. ნადირაძე გიორგი (ტრამვაის მეეტლე), 29. კუტუაშვილი ქიტესა (ტრამვაის მეეტლე), 30. სარბულაძე ერასტი (ტრამვაის მეეტლე), 31. შუაქიძე ნიკოლოზ (ხარაზი), 32. საგარაძე ერმალოზ (ტრამვაის კონდუქტორი), 33). პარაპანაშვილი დავით (ტრამვაის მეეტლე).

მ რ ი თ ვ ი თ:

1. კუჭუხიძე ვიქტორ (პარიკ-მახერი), 2. სარქისოვი გეორგი (ხარაზი), 3. ხოსროშვილი აბრამ (წყლის მიღზე მოსამსახურე), 4. მარიანოვი ივანე (დურგალი), 5. კოწიაშვილი გურგენ (დღირი მუშა), 6. ედიგაროვი გიორგი (დურგალი), 7. ნაცვლიშვილი სიკო (კალატოზი), 8. ბადალოვი დავით (დურგალი), 9. ზარიძე სოლომონ (ფენის მკეთებელი), 10. აღნიაშვილი ივანი (დურგალი).

თ ვ ე ნ ა ხ ე ვ რ ი თ:

1. ქაბუსინიძე ლუკა (ლაქია), 2. კალაძე მინა (მბეჭდავი), 3. შარაშენიძე გიორგი (ასოთ-ამწყობი), 4. ჩხაიძე ნიკო (ასოთ-ამწყობი), 5. ნუკრაძე გიორგი (დურგალი), 6. ჯიოშვილი გრიგოლ (ტრამვაიში მოსამსახურე), 7. მაისურაძე გიორგი (ზეინკალი), 8. კერესელიძე გალაქტიონ (ზეინკალი), 9. იაშვილი ვარლამ (წყლის მიღზე მოსამსახურე), 10. კობიშვილი სერგეი (ლაქია).

მ რ თ ი თ ვ ი თ:

1. შაიშველაშვილი გიორგი (ნოქარი).

მ რ ი კ ვ ი რ ი თ:

1. ერაძე ალექსი (ლაქია), 2. გელენიძე როსტომ (ლაქია) 3. პეტროსოვი ჰაიკ (მბეჭდავი), 4. ბენდიაშვილი ვარლამ (ლაქია), 5. პერტენავა ანდრია (ლაქია).

დაპატიმრების ვადა ითვლება 14 ივლისის საღამოს 9 საათიდან.

იმავე დაგენილებათ ძალით 18 ივლისის განკარგულებით დაპატიმრებულ იქნენ

ს ა მ ი თ ვ ი ს ვ ა დ ი თ:


1. შახვერდოვი სერგო (ზეინკალი), 2. კაპანაძე პავლე (მეზურე), 3. მაისურაძე რაქდენ (მეზურე), 4. მიქაძე გიორგი (თერძი), 5. თურქაძე ვასილი (კონკის კონდუქტორი), 6. გელიკურაშვილი გრიგოლ (ესეც კონდუქტორი), 7. გიორგობიანი გიორგი (რკინის გზის ხელოსანი) 8. აღასანია სამსონ (ზეინკალი), 9. ბენდუკიძე დიმიტრი (ზეინკალი), 10. ავანჯანოვი მანუქა (მღებარი), 11. ოდგომელოვი დავით (თამბაქოს ფაბრიკის მუშა) 12. მანჯოიანცი ხენატურა (ნოქარი).

მ რ ი თ ვ ი თ:

1. სონაძე ლავრენტი (ზეინკალი), 2. ხურცელავა პეტრე.

თ ვ ე ნ ა ხ ე ვ რ ი თ:

1. ლებანიძე გალაქტიონ (მეზურე), 2. ღრუბელაძე გიორგი (მღებარი), 3. სიმონოვი ოპანენ (მღებარი), 4. უმედიძე ალექსი (მეზურე).



„პრავიტ. ვესტ.“-ში დაბეჭდილია:

„უმაღლესი ბძანებით სომეხ-გრიგორიანთა ეკლესიის ქმნებასათანადო სამინისტროთა უწყებებს და გამგებებს შემდეგი წესით უნდა გადაეცეს:

1) უველს უძრავი ქმნება, რომელიც ეკუთვნის სომეხ-გრიგორიანთა ეკლესიებს, მონასტრებს, სასულიერო დაწესებულებათ და სასულიერო სასწავლებელთ, იმ ქმნებათა გარდა, რომელნიც ქვემოთ იქნება ჩამოთვლილი, უნდა ჩამოერთვას დამტკიცებული წესით სომეხ-გრიგორიანთა სასულიერო წოდებას და დაწესებულებებს და გადაეცეს მიწათ-მოქმედებისა და სახელმწიფო ქმნებათა სამინისტროს; დასახლებულ დაწესებულებათა თანხები უნდა გადაეცეს ფინანსთა სამინისტროს; ამასთანავე დაცულ უნდა იქნას სომეხ-გრიგორიანთა ეკლესიის საკუთრების უფლება ამ ქმნებისა და თანხების შესახებ.

2) მიწათ-მოქმედებისა და სახელმწიფო-ქმნებათა სამინისტროს უნდა გადაეცეს სომეხ-გრიგორიანთა შემდეგი საეკლესიო ქმნება:

ა) სხვა-და-სხვა გვარი მიწები, დასახლებული და დაუსახლებული, ტყეები, საძოვარი ადგილები, წიხვილები, თევზის საჭერი ადგილები და სხვა. არ გადაეცემა მხოლოდ ის ადგილები, სადაც აშენებულია ეკლესიები, მონასტრები, სალოცავები და სხვა, აგრეთვე ის ადგილები, რომელზედაც ეპისკოპოსთა სასახლეა და რომელიც უჭირავს სასულიერო დაწესებულებათ, საქადაქო და სასოფლო სამრეწლო სამდღველოებს და სასულიერო სასწავლებლებს; ადგილები, ეკლესიებისა და სასოფლოების გაფანაში მომწვედელი და სამოსახლო ადგილები, რომლებითაც სამდღველონი სარგებლობენ, - ბაღები, ბოსტნები, სახნავი ადგილები და სხვა, ზომით არა უმეტეს სამი დესეტინისა უფველ სამრეწლო ეკლესიასთან, იმ შემთხვევაში, თუ ეს ადგილები სხვებზე არ გადაურციათ შემოსავლის გულისთვის.

ბ) გადაიტემა სომეხ-გრიგორიანთა ეკლესიის, სამდღველოების და სასულიერო დაწესებულებათა სახლები და შენობები, რომელნიც საჭირო არაა სამდღველოთა საცხოვრებლათ და საოჯახოთ.

შენიშვნა: ზემოხსენებული წესები არ შეეხება პეტრებურჯისა და მესკოვის სომეხთა ეკლესიების მამულებსა და თანხებს.

3) ზემოხსენებულ წესებს ექვემდებარება უველს მამული და თანხა, რომელსაც შემდეგში შემოსწირავენ ან უანდერძებენ დასახლებულ დაწესებულებათ.

4) შემოსავალს ზემოხსენებულ მამულებიდან და თანხებს განაგებს შინაგან საქმეთა დეპარტამენტი, რომელსაც მიწათ-მოქმედებისა და სახელმწიფო ქმნებათა სამინისტრომ უნდა წარმოუდგინოს ანგარიში და შემოსავალი იმის უწყებაში მეოთხ მამულებისა.

შინაგან საქმეთა სამინისტრო გადასცემს იმ სასულიერო დაწესებულებათ, რომელთაც ჩამოერთმევათ მამულები და თანხები, შემოსავალს და ფულს, რომელიც შედგება იმის გამგებობაში მეოთხ თანხის სარგებლიდან, მხოლოდ შემდეგის ხარჯების გამოკლებით:

5) უძრავ ქმნებათა შემოსავლიდან უფველ წესს უნდა გამოაკლდეს მიწათ-მოქმედების სამინისტროს განკარგულებით არა უმეტეს 10%-ის ამ მამულების მართვა-გამგებობის ხარჯის დასაფარვა.

რვათ, აგრეთვე განსაკუთრებულ სათანადოგო თანხის შესადგენათ არა ჩვეულებრივ ხარჯთათვის, მამულების გაუმჯობესებისათვის. შინაგან საქმეთა სამინისტროს განკარგულებით უნდა გამოაკლდეს 5% სომეხ-გრიგორიანთა ეკლესიის თანხის შესადგენათ; ეს თანხა უნდა მოხმარდეს სომეხ-გრიგორიანთა საეკლესიო დაწესებულებათა საჭიროებას და ამ ეკლესიის გამგეობის საზოგადო მოთხოვნა-ლებათ.

6) იმ შემთხვევაში, თუ რაიმე უკმაყოფილება მოხდა, ან ეჭვი გაჩნდა და ვერ გამოიკვება—სამდვილელების ქონება და თანხები მთავრობას უნდა გადასცეს თუ არა, საქმე გადასწავლეთ შინაგან საქმეთა მინისტრს უნდა მიენდოს.

II. მიენდოს: 1. შინაგან საქმეთა მინისტრს: ა) შეიმუშავს წესები იმისა, თუ როგორ უნდა იხარჯებოდეს სომეხ-გრიგორიანთა ეკლესიის დამხმარე თანხიდან ფული; ეს წესები რომის კათოლიკეთა სამღვდელთა დამხმარე თანხის შესახებ არსებულ წესების მიხედვით უნდა იქნას შედგენილი; მინისტრმა თავისი წინადადებანი უნდა წარადგინოს წესისამებრ; ბ) შეიმუშავს წესები იმისა, თუ სასულიერო დაწესებულებებმა როგორ უნდა შეადგინონ ანგარიში იმ ფულისა, რომელიც სახარჯოთ გადაეცემათ. 2. მიწათ-მომქმედებისა და შინაგან საქმეთა მინისტრებმა შეთანხმებით დაადგინონ: ა) წესები იმისა, თუ როგორ უნდა გადაეცეს ქონება და თანხები სომეხ-გრიგორიანთა ეკლესიების სამინისტროებს და ბ) წესები ამ ქონების მართვა-გამგეობისა.

და III. 1898 წ. 26 მარტს უმაღლესათ დამტკიცებული მინისტრთა კომიტეტის დადგენილება ამ ნაჩრათ შეიცვალოს.

მიწათ-მომქმედებისა და სახელმწიფო ქონებათა, შინაგან საქმეთა და სახალხო განათლების მინისტრებს მიენდოს, ამ დებულების 1 მუხლის თანახმად, სომეხ-გრიგორიანთა ეკლესიის მამულები სახელმწიფო მმართველობაში მიიღონ, ერთმანეთთან შეთანხმებით ასწიონ ის მამულები და ქონება რომლებსა შემოსავლითაც საერო განათლების სამინისტროსაგან ჩაბარებული სკოლები უნდა იხარჯებოდეს; ამას გარდა ა) ასწიონ ის მამულები, რომლებიც უსათუოთ უნდა დასტოვონ სასწავლებელთა შესახარ და ბ) დანარჩენ მამულების შემოსავლის დაგვარათ გამოიანგარიშონ, რამდენი ფული უნდა გადასცენ ყოველ წელს საერო განათლების უწყებას ზემოხსენებულ სასწავლებელთა შესახარათ.

ლიმიტრი პისარევი.

4 ივლისს შესრულდა 35 წელიწადი ლიმიტრი პისარევის გარდაცვალების დღიდან. მეტი არ იქნება, „კვალის“ მკითხველებს გაეახსენოთ მისი მოკლე ბიოგრაფია და მისი ღვაწლი. პისარევი დაიბადა და გაიზარდა მდიდარ მემამულის ოჯახში. პატარაობისას სამაგალითო მორჩილებას იჩენდა და გიმნაზიაშიაც სამაგალითოთ სწავლობდა. 15 წლისა იყო, როდესაც პეტერბურგის უნივერსიტეტში შევიდა. პირველათ აქაც ისეთივე მორჩილი და მაცადინი ყმაწვილი იყო, როგორც გიმნაზიაში, მაგრამ უცბათ შეიცვალა, ხასიათის ძლიერება გამოიჩინა; უცბათ ზურგი შეაქცია უნივერსიტეტს და თავისებურ გზას დაადგა. ამ გზამ პისარევის 1862 წ. ციხეში ამოაყოფინა თავი. ციხეში ჯდომის განმავლობაში იმან დასწერა თავისი საუკეთესო თხზულებები, როგორც მაგ., „Реалисты“, „Пушкинъ и Бѣлинскій“, „Подростающая гуманность“, „Наша университетская наука“ და სხვ. ჯერ კიდევ 18 წლისა იყო, როცა „Развѣтъ“-ში თანამშრომლობა დაიწყო და საზოგადო ყურადღება მიიქცია, მაგრამ მის მოღვაწეობის საუკეთესო ხანათ „Русское Слово“-

ში თანამშრომლობა უნდა ჩაითვალოს. თუმცა ციხეში კარგათ გრძობდა თავს, არ ნაღვლობდა, მაგრამ 5 წლის ჯდომამ თავისი კვალი დაუტოვა და, როდესაც მისი ციხიდან გამოვიდა იგრძნო, რომ ღონე გამოუღწევია ციხეში და გონება ეურჩება. 27 წლის პისარევი ზღვაში ბანაობის დროს დაიხრჩო.

პისარევი არის წარმომადგენელი მესამოცე წლების ეპოქისა, როდესაც რუსულ ლიტერატურაში პირველათ გაიდგა ფესვები დემოკრატიულმა მიმართულებამ, როდესაც პირველათ იყო მიქცეული სერიოზული ყურადღება მშვიერ და შიშველ ხალხისკენ. სიმღიდრე-სიღარიბის კითხვა წინათაც აფიქრებდა თვითეულ მაღალ გონების კაცებს (მაგ., ბელინსკის), მაგრამ ამ კითხვას როგორღაც განყენებულათ აყენებდნენ და განყენებულათვე სწყვეტდნენ. ამ კითხვის ძირითადი გადაწყვეტა თავში არავის მოსვლია. მესამოცე წლების მოღვაწეებმა კი უმთავრესი ყურადღება მიაქციეს ამ კითხვის პრაქტიკულათ გადაწყვეტას. მათ სამუდამოთ დასწყველეს მხოლოთ პლატონიური, სიტყვიერი თანაგრძობა ჩაგრულთადმი. თუ ჩაგრულთ თანაუგრძობოთ, ამობდნენ ისინი, საქმით დაამტკიცეთ, იღვაწეთ, გააკეთეთ რამე სასარგებლო ამ ჩაგრულთათვისო. არავის უფლება არა აქვს ტკბილათ, განცხრომით ცხოვრობდეს, როცა იცის, რომ იქვე, მის ახლო ჩაგრულები იტანჯებიან. პოეტს უფლება არა აქვს ია და ვარღვე მღეროდეს იმ დროს, როდესაც იმის ცხვირ წინ ჩაგრულები კვევსიან. ყოველი კაცი, რა ხელობისაც, რა წოდებისაც უნდა იყოს იგი, მოვალეა ამ ჩაგრულ ხალხს სარგებლობა რამ მოუტანოს, შეიტანოს თავისი წვლილი ტანჯულთათვის მაღამოს მოსაცხებათო.

აი ამ აზრებზე აღიზარდა პისარევი და მედგრათ შეუდგა ამ აზრების გავრცელებას. როგორც ლიტერატურული კრიტიკოსი, იგი სასტიკათ ებრძოდა არისტოკრატიულ მიმართულებას ლიტერატურაში. მას რწამდა მხოლოთ ისეთი ლიტერატურა, რომელიც ხალხის სიხარულით ხარობს, ხალხის ცრემლებით ტირის; მან უარ-ჰყო ყველანაირი ხელოვნება, რაც კი მხოლოთ მაღალ კლასებისთვის არის ხელმისაწვდომი. მას არა რწამდა არც მუსიკა, არც თეატრი, არც ბალეტი, არც სკულპტურა, არც მხატვრობა; სირცხვილია, კაცი ყველა ამით სტკებოდეს, როდესაც ყოველ მხრიდან მშვიერ-მწყურვალების კენესა ისმისო. ჯერ ყველას გაძლომისათვის იზრუნე და თუ ხელოვნებით დატკბობა გინდა, მერე დასტკებო. მეორმოცე წლებში ძალიან მკვიდრათ ქონდა გადგმული ფეხი ე. წ. „წმინდა ხელოვნების“ თეორიას. თვით ბელინსკიც კი იმ აზრს ადგა, ხელოვნებას აზრათ არ უნდა ქონდეს სარგებლობაო, „ხელოვნება ხელოვნებისათვისაო“. ამ მოძღვრებას მედგრათ შეებრძოლა პისარევი და სხვა მესამოცე წლების მწერლებთან ერთათ სამუდამოთ დამარხა იგი.


ასეთისავე შეხედულების იყო პისარევი მეცნიერების შესახებ. მეცნიერებმაც თავისი გამოკვლევა პატარა განათლებულ ჯგუფისთვის კი არ უნდა სწერონ, მათ სახეში უმეტეს ნაწილათ ხალხი უნდა ყავდეთ. უმთავრესი ყურადღება ყოველმა მწერალმა უნდა მიაქციოს ნამდვილ სამეცნიერო ცოდნის ხალხში გავრცელებას. „რა მეცნიერებაა ის მეცნიერება, რომელიც ხალხის ხელმისაწვდომი არ არის? რა ხელოვნებაა ის ხელოვნება, რომლითაც მხოლოთ რამდენიმე სპეციალისტი დასტკებება?“ მეცნიერებასა და ხელოვნებას უთუოთ რამე სარგებლობა უნდა მოქონდეს ხალხისათვის. ხალხისთვის უსარგებლო მეცნიერება და ხელოვნება დასავმობია, როგორც ცუდათ შრომა. „ნამდვილ მეცნიერებას უთუოთ საგრძობელი ცოდნა მოაქვს, რამელსაც ხელით

შეიძლება შეეხო, თვალთ დაინახო, და რაც ხელით შესახებია და თვალთ დასანახავი, იმას ათის წლის ბავშვიც გაიგებს, უბრალო გლეხიც, მაღალი წრის კაციც და სპეციალისტი-მეცნიერიც“.

მაშასადამე, პისარევი როგორც ხელოვნებისაგან, ისე მეცნიერებისაგან მოითხოვს ხალხის სამსახურს! ხალხის რეაქურა სარგებლობა—აი ის დევიზი, რომლითაც ხელმძღვანელობდა პისარევი მთელ თავის პუბლიცისტურ მოღვაწეობაში და რომელიც შეადგენს იმის საზოგადოებრივ ფილოსოფიის საძირკვეს. ხალხის სარგებლობა კი მოითხოვს, რომ ყოველმა მოქალაქემ უმთავრესი ყუადღება მიაქციოს სიმდიდრე-სიღარიბის საკითხს: „მთელი ჩვენი აზროვნების და ყოველ პატიოსანი კაცის მოღვაწეობის საბოლოო მიზანი ის არის, რომ სამუდამოთ გადაწყვიტოთ საკითხი შვიერ და შიშველ ხალხის შესახებ; ამ საკითხის გარდა კაცი არაფერზე უნდა ზრუნავდეს, არაფერზე ფიქრობდეს“. მაგრამ როგორ უნდა ვადასწყდეს ეს საკითხი? მაშინდელი ლიბერალები ამ საკითხის გადასაწყვეტათ ლიბერალურ-ჰუმანიურ ზომებზე გვითითებდნენ. ყოველი მემამულე უნდა ჰუმანიურათ ეპყრობოდეს თავის გლეხებს, არ უნდა ავიწროებდეს, ცოტა გადასახადს ადებდეს და მაშინ მაღლიერი გლეხებიც თავის ბატონების კმაყოფილები შეიქნებიან და დადგება ის დრო, როდესაც ცხვარი და მგელი ერთათ სძოვენო. პისარევმა საკვირველი ნიჭით და სიძლიერით დაარღვია ასეთი მიმართულება. იმისი წერილი „Подрастающая гуманность“ შეიძლება ჩაითვალოს კლასიკურ წერილათ, რომლითაც პისარევმა სამუდამოთ გაათახსირა ლიბერალური მიმართულება. ამისთანა წერილები თავის დღეში არ ძველდება, მათი მნიშვნელობა ყოველთვის ძლიერი იქნება, ვიდრე საზოგადოება სამუდამოთ ხელს არ აიღებს ლიბერალურ ზომებზე და ვიდრე არ მოხდება ის, რასაც ამ წერილის ავტორი მოითხოვს,— წეს წყობილების ძირითადი შეცვლა. „ყველამ ვიცითო, ამბობს პისარევი, რომ მუშა ხალხისაგან წარმოებულ სიმდიდრის ნაწილი მუშების ხელიდან არა-მშრომელ ხალხის ხელში გადადის. თუ მუშა ხალხს უფრო მეტს სიმდიდრეს შევანარჩუნებთ, ამით მის სიღატაკეს შევამცირებთ“. მაშასადამე, რაგარ შევანარჩუნებთ მუშა ხალხს უფრო მეტი ნაწარმოები—აი ის კითხვა, რომელიც პისარევმა შემდეგ თაობას უანდერძა; თუმცა ეს კითხვა თითონ პისარევს არ გადუწყვეტია, მაგრამ ამ კითხვის დაყენებითაც დიდი ღვაწლი დასდო საზოგადოებრივ განვითარებას.

მაშასადამე, პისარევის საზოგადოებრივი ფილოსოფია შესდგებოდა საზოგადოების სარგებლობის ქადაგებაში. ხოლო სიტყვა „საზოგადოება“ იმისთვის ნიშნავდა არა მაღალ რეებს, არამედ ხალხის უმრავლესობას—მშრომელ ხალხს. ამ მშრომელი ხალხის სარგებლობა იყო იმისი დევიზი, მშრომელ ხალხის სარგებლობა იყო ის საზომი, რომლითაც პისარევი ზომავდა ყოველ ადამიანის მოღვაწეობის მნიშვნელობას, მშრომელ ხალხის სარგებლობას მოითხოვდა იგი როგორც მეცნიერებისაგან, ისე ხელოვნებისაგან, ისე ყოველ გონიერ და ზნეობრივ ადამიანისაგან. მაშასადამე, მშრომელ ხალხის სარგებლობის გაიდევლება, მის სარგებლობისათვის წეს-წყობილების შეცვლის ქადაგება, ლიბერალურ მიმართულების კლასიკურათ დამარცხება და მშვიერ შიშველ ხალხის საკითხის დაყენება—აი ის ღვაწლი, რომლის გულისთვისაც ჩვენ სამუდამოთ მაღლიერნი უნდა ვიყოთ პისარევისა და მოწიწებით უნდა ვისხენებდეთ მის სახელს.

შინაური მიმოხილვა




ცხელა ყველგან და ყველას, მაგრამ განსაკუთრებული სიტყვა რკინის გზაზე და რკინის გზის ვაგონებში. ცხელა, რასაკვირველია, პასაჟირებს, რომელთაც ჩვენი რკინის გზის მართველობა სელიოდკებივით აწყობს ვაგონებში. ამ ფაქტს, ძალაუნებურათ, ყველა ჩვენგანი აქცევს ყურადღებას, რადგან ვისაც ერთი მგზავრობა მაინც კი შეხვდება რკინის გზით, მერე რამდენიც უნდა ეცადოთ, ვერ დაივიწყებთ, მაგრამ საჯაროთ, ფაქტით ხელში, მხოლოდ ბ. ვ. ლ—ემ ამოიღო ხმა (Т. Лист. № 135), და გზის უფროსსაც გამოამყდავენებია სინამდვილე ციფრებით. ბ. ვ. ლ—ვს სიტყვით, 8 ივნისს მატარებელი № 91, გორის სიდგურზე ისე იყო სავსე მგზავრებით, რომ ნემსიც კი ვერსად ჩაეარდებოდა, და მიუხედავათ ამისა ვაგონის მობმა არ ცნო საჭიროო კაცმა. მართალია, გააპირა ვაგონის მობმა სიდგურის უფროსმა, მაგრამ ერთ-ერთ უფროსთაგანმა, რომელიც იმავე მატარებლით მოდიოდა სალონ ვაგონით, დაუშალა, რადგან მობმული ვაგონი მას სანახავობას დაუფარავდა. ამ წერილზე გასცა პასუხი რკინის გზების უფროსმა, ინჟენერმა ივანოვსკიმ, რომელიც უმართებულოთ ცნობს მ. ლ—ვს ბრალდებას ვილაც აგენტის შესახებ: საჭიროა მკითხველმა თვით გადაიკითხოთ ეს წერილი და დარწმუნდეს, რამდენათ მართალია ამ საქმეში უსახელო აგენტი, ჩვენ კი გვანტერესებს თვით ის ციფრები, რომელიც ბ. უფროსს მოყავს თავისი ნათქვამის დასამტკიცებლათ, რომ არც ისე სავსე ყოფილა მატარებელი იმ დღეს, როგორც ბ. წ—ვს მოჩვენებიაო. აი ეს ციფრებიც. გორიდან ქალაქამდე მესამე კლასში ყოფილა ადგილი 140, ხოლო მგზავრი 186, მეორეში—ადგილი 48 მგზავრი კი 62. ამ რიგით, გამოდის რომ თითო ადგილზე ერთ-ნახევარი კაცი უნდა მჯდარიყო. ახლა თუ მიიღებთ მხედველობაში, რომ უბილეთონიც იქნებოდნენ, უეჭველია, როგორც ყოველთვის ამასთან ბევრი ადგილი ბარჯით იქნებოდა დაკავებული, დარწმუნდებით, რომ თითო ადგილზე ორ-ორი კაცი უნდა მჯდარიყო, და თუ ეს სივიწროვე არ არის, რაღას ქვია სივიწროვე? მხოლოთ პირველ კლასში ყოფილა თავისუფლება—20 ადგილზე 17 მგზავრი—და შეიძლება ისა აქვს სახეში ბ. უფროსს, როცა ამბობს არც ისეთი სივიწროვე იყოო. ალბათ... აბა მესამე კლასის მგზავრებზე ღირს კი დაფიქრება, ან კი ვინ ფიქრობს სულყველაზე ჩვენს დროში!..

**

ჩვენი გაზეთის დღევანდელ №-ში იბეჭდება ბ. ა. ლაშელის წერილი სოფლის სკოლებზე და მასწავლებლებზე, რომელშიაც ავტორი განმარტავს, თუ რათ გაურბის სასოფლო სკოლას მასწავლებელი და ამ მოვლენის ერთ-ერთ მიზეზათ ასახელებს მასწავლებლების ქონებრივ შევიწროებას. ამ აზრის საუკეთესო ილიუსტრაციას წარმოადგენს ერთი წერილი, რომელიც შემთხვევით ჩავივარდა ხელში. აი ზოგი რამ ამ წერილიდან:

„მ. ხ. ნება მომეცით მოგმართოთ უუძდაბლესი თხოვნით; გამიწიოთ დახმარება ჩემ ტანჯულ და აუტანელ მდგომარეობაში. მე ვარ მასწავლებელი, ვმსახურებდი სოფლის სკოლაში, მაგრამ „სხვა და სხვა შემთხვევისა“ გამო იძულებული შევიქენი თავი დამენებებია ჩემი სამსახურისათვის, მიუხედავათ იმისა რომ ზამთარი იყო და არც წინ მოველოდი რასმე, არც არაფერი გამაჩნდა. ჩამოვედი აქ, ბ—ში, და ძლიერ ავათ შევიქენი. დაგხარჯე მთელი ჩემი ქონება, გავანადგურე ჩემი გარდერობი (ტანისამოსი) და ახლა აღარ ვიცი რა



სსსპ-და-სსსპ სამსახური

ფუკო ჩემ თავს. წასვლას ფული უნდა, არც დარჩენა შემოსული იმავე მიზეზით; ხშირათ წმ. ანტონის საზრდოთი ვიკვებები (თარგმნილი წიგნავს, მშვიერი ვარ, ულუკისაბურო) ტანსაცმელიც მეტათ შელახული მაქვს. არ ვიცი როგორ დავახწიო თავი ამ მდგომარეობას... და შემდეგ მოყვება შემწვების თხოვნა და კიდევ თხოვნა... აი, ასე უზრუნველყოფილია სოფლის მასწავლებელი, ამდენი „ეკონომია“ გამოყვება სასახურიდან გამოსვლისას და საკვირველი ის არის, რომ კიდევ მოიძებნება რიგიანი და ბეჯითი მასწავლებელი. რასაკვირველია, რომ პირობებში მყოფი ადგილს გაუბოძდეს! რომელ ჩვენგანს შეუძლია მოთხოვოს კაცს უარყოს თავი თვისი? ბევრათ უფრო სამართლიანი იქნება იმისი მოთხოვნა, რომ მასწავლებლის მდგომარეობა გაუმჯობესდეს მატერიალურათ და მიეცეს უფრო თავისუფალი არე მოქმედებისა. მაშინ, მხოლოთ მაშინ გვექნება ნება მოვითხოვოთ მათგან გულდადებული შრომა და რიგიანი ნაყოფი, თორემ გარეშო ხალხს მოწყვეტილი (იხ. წერილი დაშეჯისა) და უკიდურეს გაჭირვებაში მყოფი, როგორ შესძლებს გაუძღვეს ისეთ მძიმე საქმეს, როგორც ახალთაობის აღზრდაა...

* *

უკანასკნელ წლებში ქალაქის საბჭომ მხოლოთ ერთათ ერთი საქმე მოაწყო ისეთი, რომელზედაც შეიძლებოდა ეთქვა კაცს, — ამაში კი ჩანს მცხოვრებლებზე მზრუნველობაო. ეს იყო ხორცის დუქნების მოწყობა, მაგრამ მათი საქმეც ისე არის დაყენებული, რომ ჯერ ქალაქს ზარალის მეტი არაფერი უნახავს და არც მცხოვრებლები ყავს მადლიერი. ხორცი იქ უარესია ვიდრე კერძო საყასაბოებში, ვერც იშოვი შენ დროზე ვერაფერს; მაგრათ აქვს მოკიდებული ფეხი ნათელ მირონობის და ყველა ამ მიზეზთა გამო ხალხი გაუბობს ქალაქის დუქნებს. შეიძლებოდა კი საქმის რიგიანათ მოწყობა და არც ქალაქი იქნებოდა ზარალში, მაგრამ საქმეს ყურადღება აკლია. მაგალითათ, როგორც ხმოსანმა ვართანოვმა გამოამეღაენა 7 ივლისს საბჭოსის სხდომაზე, ავლაბრის დუქანში თვით ხმოსანს შეუნიშნავს გაფუჭებული, სახმარათ უვარგისი ხორცი; დუქნის წყლის მილში წყალი არ ყოფილა, ხორცი დაუფარავი იყო და მწერები აფუჭებდენ. თამამშევის ქარვისლაში მოთავსებული დუქნის ქვეშ ქონის საწყობია თურმე გამართული და იქვე სანაგვე კოლოფი, რაც მეტათ ცუდს სუნს ავრცელებს. ყოველივე ამის მიხედვით ხმოსანმა საჭიროთ დაინახა, შეკითხებოდა გამგეობას, ადვენებენ თუ არა თვალყურს ხორცის დუქნების საქმეს. ეს შეკითხვა მეტათ სწყენიათ კომისისის წევრებს და შეურაცხყოფათ მიუღიათ. ერთს მათგანს ისიც უთქვამს — არ არის საკადრისი ასეთი ამბების შარახე გამოტანაო, მაგრამ ჩვენ ვფიქრობთ, უფრო არ არის საკადრისი საქმის მეთაურთა ყოფიქცევა, რომელთა მოვალეობას შეადგენს საჭირო და სასურველი საქმის რიგიანათ მოწყობა. ამისთანა საქმეში ცრუ თავპყვარეობათ უნდა ჩაითვალოს იმის თქმა ჩვენთვის გეთქვა და ჩვენ გავასწორებდით საქმესო. საზოგადო საქმის მეთაური ყოველთვის უნდა გრძნობდეს საზოგადოების კონტროლს და მხოლოთ მაშინ შეიძლება საქმის წარმართვა. ჩვენში კი სამწუხაროთ ეს კონტროლი სუსტია, და თუ იჩინა სადმე თავი, იქაც მტრულათ შეეხვდებათ. ჩვენი აზრით კომისისას მხოლოთ მადლობა შეეძლო გამოეცხადებია ბ. ვართანოვისთვის, რომელმაც ის შენიშნა, რაც თვით ვერ შეენიშნათ და გააგებინა ამა თუ იმ გზით.

ბაქოს გაზეთ „კასპ“ - ში დაბეჭდილია: ქალაქის უქვესი დღე მატარებლების მიმოსვლა შეჩერებული იქნა. სადგური ბაქოში საესეა ნავთის ვაგონებით. ეს ნავთი ბათუმში უნდა გაეგზავნათ 10 ივლისს. საღამოს 10 საათზე დროებით შეწყვეტილია ტელეფონმა მუშაობა ვანახლა ბაქოსა და ბალახანას შორის. 11 ივლისიდან ხელახლა დაიწყეს მუშაობა ბაქოს სხვა-და-სხვა სახელოსნოებმა. ქალაქის ტრამვაიზე ვაგონები თანდათან ემატება. 10 ივლისს მხოლოდ ორიოდ ვაგონი გამოვიდა. ვაგონებს ჯერ კიდევ ჯარის-კაცნი ახლავან. კონდუქტორებად და კუჩრებად, ორიოდეს გარდა, ახლები არიან, რომელნიც საქმეს სულ არ არიან შეჩვეულნი. ჩორნი გოროდში ქარხნები მთელი ერთი კვირა არ მუშაობდენ. 11 ივლისს განაახლეს მხოლოდ მუშაობა, თუმცა მუშათა რიცხვი ჯერ კიდევ მცირეა. მთელი ექვსი დღე ნავთის მილით ნავთის გაგზავნა ბაქო-ვოლჩიგოროტას და ხაშურ-ბათუმ შორის შეჩერებული იყო. ნავთის გასაგზავნ სადგურების აუზები ძალზე საესეა ნავთით. რადგან მატარებლების მიმოსვლა რამდენისამე დღით შესწყდა, ბევრ პატარა სადგურს ბაქოსკენ სურსათი შემოაკლდა. მიზეზი ის იყო, რომ ამ ხნის განმავლობაში დუქან-ვაგონები არ მოქმედებდა. 7 ივლისს შეწყვეტილი მუშაობა მოსწავლეებისა სატეხნიკო სასწავლებელსა და სახელოსნო სკოლაში 10 ივლისს განაახლეს. როგორც გავიგეთ, ბაქოს სამრეცხაოებში მომუშავე ქალებს განზრახვა აქვთ საერთო თხოვნა შეიტანონ ქალაქის გამგეობაში და მოითხოვონ სამუშაო დროს გაწესრიგება. ბაქოში ჩამოვიდა მინგრელის რაზმის ბატალიონი. ქალაქის გამგეობამ წევრს საფარალიევის მიანდო, რამდენათაც ქალაქის მხრივ შესაძლებელია, შემწეობა აღმოუჩინოს ამ ბატალიონს. ბაქოში ჩამოვიდენ: ტფილისის სამოსამართლო პალატის ბრალმდებლის ამხანაგი მ. ე. შულცი — ტფილისიდან, კავკასიის მსროლელთა ბატალიონის უფროსი ამასეისკი — გორიდან და ასი ყაზახი უმანის რაზმისა. ღამე წეს-რიგის დასაცავად ქალაქში ყაზახთა რაზმები დადიან. დაიწყო მუშაობა „ელექტრონულ ძალის“ საზოგადოების საელექტრონო სადგურმა. ეს სადგური ანათებს საზოგადო დაწესებულებებს, მაღაზიებს, კერძო სადგომებს და სხვას. ამ უამათ სადგურს ჯარი სდარაჯობს“.

როგორც „ბაკ.იზ.“ გადმოგვცემს, ბაქოს ყველა ქარხანასა და ზაოდში გამოკრული ყოფილა შემდეგი განცხადება: „ადმინისტრაცია აცხადებს: 1) ის ხელოსანნი და მუშები, რომელნიც 14 ივლისს დილის 6 საათზე სამუშაოდ გამოცხადდებიან, მოსამსახურებება დარჩებიან; 2) ისინი, რომელნიც ამ დროსათვის არ გამოცხადდებიან, 5 ივლისიდან გამორიცხულათ ჩაითვლებიან და შეუძლიათ კუთვნილი ფული წაიღონ; 3) აღნიშნულ ვადაზე მოსულ მუშებს და ხელოსნებს შეუძლიანთ თავიანთი საჭიროებანი გადასცენ ფირმის ადმინისტრაციას. ამ საჭიროებებს. ფირმა შეძლებისა და გვართ დააკმაყოფილებას-“

როგორც „ბაკ. იზ.“-ვე გადმოგვცემს, ბაქოში მუშაობის შეჩერებამ ნავთის მწარმოებელთ 12 მილიონ მანეთის ზარალი მოუტანა. ზოგიერთ ფირმაზე 14 ივლისს უკვე დაუწყიათ მუშაობა.

სამი დღე თფილისის ყასპები საქონელს აღარა კლავდენ და ხორცს აღარ ყიდენ, ხორცი არც ქალაქის დუქნებში იყიდებოდა, რადგან სალახებმა (საქონლის დამკველელებმა) ხელი აიღეს მუშაობაზე. სალახები მუშაობის სიძნელეს უჩი-

ვიან, ყასპები — ქალაქის გამგეობას და ბეითლებს. ქალაქის გამგეობა ბევრს სცდილობდა, მაგრამ კარგა ხანს ვერა-გააწყობა. საქმის ასეთ ვითარების გამო რესტორანებსა და მსხვილ ფირმების პატრონებმა სთხოვეს გუბერნატორს ნება მისცეს კერძოდ საქონლის დაკვლისა. გუბერნატორმა როგორც მთხოვნელთ, ისე ქალაქის მკვიდრთ ნება დართო თავიანთ საქმიანობათათვის დაკლან საქონელი. ხორცის სიძვირით ისარგებლეს სხვა სანოვანის ვაჭრებმა და მეტად გააძვირეს ქალაქში ყელაფერი. განსაკუთრებით ქათმებსა და სხვა ფრინველს ერთი სამად უფრო ძვირად აფასებენ, ზოგმა რესტორანის პატრონმა კოჯორიდან და ბორჯომიდან დაიბარა ხორცი.

„ხორცის კრიზისმა“ თფილისში ხუთი დღე გასტანა. 10—16 ივლისამდე ხორცის დუქნებში და, საზოგადოთ მთელ ქალაქში ხორცი არ მოიპოვებოდა. გუშინ ხელ-ახლა დაიწყეს ყასპებმა ხორცი ვაჭრობა. 15 ივლისს, საყასპოზე ნავთლუხში კავკასიის მთავარ-მართველი თავ. გოლიცინი იყო.

ორშაბათს, 14 ივლისს, ტფილისში ცხენის რკინის გზის ვაგონებს აღარ უმუშავნიათ. მიზეზი რაღაც უსიამოვნება ყოფილა, რომელიც ტრამვაის გამგეთა და კონდუქტორ-კუჩრების შორის ჩამოვარდნილა. ვაგონების მიმოსვლა განახლდა 15 ივლისს. კონდუქტორების ნაცვლათ ვაგონზე ჯარის კაცი არიან და ყიდიან ბილეთებს, ხოლო ქუჩრებად ახლები აიყვანეს.

სამშაბათს, 15 ივლისს, მოლაპარაკება ქონდათ ტფილისის რესტორანების და სასტუმროების პატრონებს. მოლაპარაკების საგანი — ლაქიათა მდგომარეობის გაუმჯობესება იყო. ლაქიები კარგა ხანია თხოულობენ ამას. როგორც უწყით, ლაქიებს ჯამაგირი სულ არ ეძლევათ სასტუმროს ან რესტორანის პატრონებისაგან, ზოგჯერ სადგომიც არა აქვთ. კრებამ დაადგინა, დაუნიშნოს ლაქიებს ჯამაგირი, თითოს თითო თუმანი. ამას გარდა სადგომებიც უნდა მიეცეთ ლაქიებს.

ლაქიებმა მოითხოვეს ჯამაგირის დანიშნის გარდა სადილ-ვანში (ზოგჯერ არ ეძლეოდათ) ხეირიანი სადგომები და სხვა. ზოგჯერ სასტუმროსა და რესტორანის პატრონი დღემდე ბეს ართმევდნენ ლაქიებს, ართმევდნენ აგრეთვე სხვა ფულსაც, რომელსაც შემდეგ დამტვრეულ ქურქელსა და მოპარულ ნივთებში უბრიდენ. ლაქიებმა მოითხოვეს ბეს გაუქმება, ხოლო მოპარული და დამტვრეული ნივთები სანახევროდ უნდა ზღონ პატრონმა და ლაქიებმა. ყველა ეს პირობა რესტორანებისა და სასტუმროს პატრონებმა შეიწყნარეს. პირველად ვერ შეთანხმდნენ იმ ნიშის შესახებ, რომელიც მუშტრებზე რჩება, ხშირად შედიან რესტორანებში სხვა-და-სხვა ვაჭბატონები, სვამენ, სჯამენ და ფულს კი არ იხდიან, პირიქით, ლაქიასაც სცემენ ხოლმე. რესტორანის პატრონებს (ზოგიერთებს) უნდოდათ, ასეთ მოვალეებს ფული ლაქიებმა გამოართვან და საზოგადოთ დანახარჯი ლაქიებზე ითვლებოდეს, მაგრამ ამ უკანასკნელთ არ შეიწყნარეს ეს მუხლი. შედგენილ პირობას უკვე მოაწერეს ხელი, მხოლოდ რესტორანის ორიოდ პატრონი არ მოუწერია ხელი.

ფინანსთა სამინისტროს განუზრახავს, როგორც „ნოვობ.“ გადმოგვცემს, ქიათურის შავი ქვის ექსპორტის საქმეში მონაწილეობა მიაღებინოს ორ ბანკს — რუსეთის საგარეო ვაჭრობისათვის არსებულს და ხარკოვ-აზოვის საკომერციო ბანკებს; სამინისტროს უნდა ამით შავის ქვის ექსპორტი გააწესრიგოს. ბანკები სააგენტოებს მოაწყობენ ქიათურაში. ამას გარდა გამართვენ ქარხანას ქვის გასაწმენდათ.

გორის ქალაქის თვით-მმართველობის რწმუნებულთა არჩევნები დანიშნულია 15 ოქტომბრისათვის.

ეროვნული

„ბაკ. იზგ.“-ში ვკითხულობთ: „ამ ქაზანში (151 მუტან) ბაქოში 1000 ჯარის-კაცზე მეტია. გუშინ რკინის გზის ვაგონები უჯარის-კაცებოთ დადიოდენ“.

როგორც „კასპი“ გადმოგვცემს, გზათა მინისტრის ნება-რთვით ამიერ-კავკასიის რკინის გზის უფროსი იწვევს იმათ, ვისაც საშვალო სასწავლებლის 4 კლასი ან საქალაქო სასწავლებლის 5—6 კლასი გაუთავებია, შეისწავლონ უსასყიდლოთ ამწონისა და კანტარის გამგის ხელობა. ამათ, შესწავლის შემდეგ, სამსახურში მიიღებენ.

ტფილისის ხელოსანთა მოურავმა დააბეჭდინა განცხადებები და 12 ივლისს დაურიგა ხელოსანთა ქარგლებსა დურგლებსა, ფებსაცმელების მკერვალოთ, ტანისამოსის მკერვალოთ და სხვებს. განცხადებებში რუსულსა, ქართულსა, სომხურსა და სხვა ენებზე გადაცემულია შინაარსი სახელოსნო წესდების იმ მუხლებისა, რომელიც შეეხება სახელოსნოებში მუშაობას.

ამას წინათ თელავის თვით-მართველობამ განიზრახა, თელავში ქალაქის საავადმყოფოს დაარსება. საგუბერნიო სამკურნალო გამგეობას განუხილავს ეს შუამდგომლობა, სასურველად უცვნია სამკურნალოს დაარსება და დაუვალეობა თელავის თვით-მმართველობისათვის შეიშუშავოს სამკურნალოს მართვა-გამგეობის ინსტრუქცია.

ტფილისის ტრამვაის ვაგონებზე დღევანდლამდე კონდუქტორობას ჯარის-კაცი ეწვეიან. უსახელო საზოგადოების გამგეობა ახლა შეუდგა თურმე ახალ კონდუქტორების დაქირავებას. ჯერ-ჯერობით მიღებულია 7 კაცი. სულ საქაროა ასამდე კონდუქტორი, ამდენიცე ქუჩერი და რამდენიცე კონტროლიორი. რადგან ამ შამათ არც კონდუქტორია გამოცდილი და არც ქუჩერი, ხშირათ უწყესობა და უბედურება ხდება. 11 ივლისს, საღამოს 7 საათზე, მიხეილის ქუჩაზე, საავადმყოფოსთან ქუჩრების გამოუცდლობისა გამო დროზე ვერ შეაჩერეს ვაგონები, რის გამო ისინი ერთმანეთს დაეტაკენ. კარგია კიდევ, რომ არავინ დაშავებულა. ამ დროს ერთი ეტლი მორბოდა ძალზე. ვაგონიდან ჩამოშტარმა ხალხმა გაქცევა ვერ მოასწრო და ეტლმა ორი ბავშვი ქვეშ მოიტანა ერთი უვნებელი გადარჩა, მეორე კი დაშავდა.

გუშინწინ, 18 ივლისს, 3 დღის შეჩერების შემდეგ განახლდა მიმოსვლა ცხენის რკინის გზის ვაგონებისა ავქალის ქუჩაზე, კონდუქტორებათ სალდათებია. ვაგონს 4 სალდათი დაუყვება.

„ბაკ. იზგ.“-ში ვკითხულობთ: „რადგან ბაქოს, ტფილისისა და ხაშურის სადგურებზე წესიერების დასაცველათ და საღარაჯოთ ჯარს მთელი დღე უხდება სიცხეში დგომა და რადგან ამ ჯარს არც ღამე აქვს მოსვენება, ამიერ-კავკასიის რკინის გზის უფროსის შუამდგომლობით აფიცრებს და ჯარის კაცებს ჯილდო დაენიშნათ: შტაბ-აფიცრებს ეძლევათ თითოს დღეში 2 მანეთი, ობერ-აფიცრებს — 1 მან. და ჯარის-კაცებს — 25 კაპ.“

ავგისტოს პირველ რიცხვებში, როგორც ბაქოს გაზე-

თებს გაუგიათ, პეტერბურგიდან ბაქოში ჩამოვა შინაგან საქმეთა მინისტრის ამხანაგი გენერალ-ლეიტენანტი ფონ-ვალდი.

დიდი უბედურება მოხდა რკინის გზაზე ასტაფისა და შაქარლის სადგურებს შუა: საქარლის მატარებელი № 151 ლიანდაგიდან გადავარდა და დაიშხვრა. აღსტაფიდან მატარებელი ლამის 11 1/2 საათზე გავიდა. სულ მატარებელში 25 დატვირთული ვაგონი იყო. გასცდა აუ არა მატარებელი სადგურს, უეცრად ორთქლ-მავალი-ლიანდაგიდან გადავარდა და მიწაში შეიქრა. 13 ვაგონი თან გადაყვა ორთქლ-მავალს. ეს ვაგონები ძალზე დაიშხვრა და მოკვდა რამდენიმე კაცი.

„ნოვ. რბ.“-ს ქუთაისიდან სწერენ: „15 ივლისს გუბერნატორი სმაგინი საგანგებო მატარებლით ქუთაისიდან შორაპნის სადგურზე წავიდა. საქარის ამერიკულ ვაზის საწვრთვინო მუშაობა შეჩერებულია“.

ქუთაისში ნოქრები და მალაზიის პატრონები შეთანხმებულიან, რომ მუშაობა დილის 8 საათზე იწყებოდეს და საღამოს 8 საათზე თავდებოდეს.

ბაქოში, როგორც აღვლილობრივი გაზეთები სწერენ, დეპოს, სახელოსნოებს, საწყობებს, პაკაუზებს, ლიანდაგებს, აგრეთვე ვაგონებს ჯარი დარაჯობს თურმე.

15, 16 ივლისს თბილისის გაზეთები გარდა „კავკასისა“ არ გამოსულან.

15 მაისს 1904 წ. სრულდება 25 წელიწადი მას აქვთ, რაც ქართველთა შორის წერა-კითხვის გამავრცელებელთა საზოგადოება არსებობს. ამიტომ ამ დროსთვის როგორც „ცნ.-ფურც.“ ამბობს, გამოვა მოკლე აღწერა საზოგადოების 25 წლის მოღვაწეობისა.

ბაქოში ტრამვაის მოსვლია 7000 მან. ზარალი იმ დღეებში, როცა ტრამვაის მსვლელობა შეწყვეტილი იყო.

ქუთაისში შემდგარა სინდიკატი აგურის გამყიდველებისა, მიზანთაქვთ აგურის ფასი ასწიონ. მათ მიიხრეს ყველა წვრილი მეთაურები და პირობა დაადებინეს საზოგადოების კანტარის გარეშე არ გაყიდონ თავის აგური.

შავი ქვის მრეწველთა საბჭოს შუამდგომლობა აღუძრავს სამოსწავლო ოლქის წინაშე კიათურაში საქალაქო სასწავლებლის დაარსების შესახებ. სასწავლებელში სატენიკო განყოფილებაც უნდა იქნეს.

ქართული თეატრის გამგეობას გადაუწყვეტია, აგვისტოს შუა რიცხვებში გამართოს რამდენიმე გამოსაცდელი წარმოდგენა; გამგეობა იწვევს მსურველთ. გამოსაცდელ წარმოდგენების ხელმძღვანელობა უკისრნია ბ-ნ ვალერ. გუნისას, რომელმაც ამ ორის წლის წინათაც გამართა ერთი გამოსაცდელი წარმოდგენა, რასაც უნაყოფოთ არ ჩაუვლია. მსურველნი მიმართავენ თეატრის კანტარას დღეიდან აგვისტოს 5-მდე, დილის 12 საათიდან ნაშუადღევს 1 საათამდე, სადაც ჩაეწერებიან, ვის რა როლში სურს გამოცდა.

ადმსა. „რუსის საზოგადოების“ გემებმა ყირიმისკენ მი-

მოსვლა შეაჩერეს, რადგან გემის ოსტატები და ცეცხლის შემკეთებლები („კაჩევარები“) ფასის მომატებასა და სამსახურის პირობების გამოცვლას თხოულობდნენ. ელიან სახელმწიფო მებღვაურებს (მატროსებს), რომ იმათის შემწევით გემების წესიერი მიმოსვლა განაახლონ.

იქიდანვე 15 ივლისი. რუსის მეგემეობისა და ვაჭრობის საზოგადოების სამგზავრო და საფოსტო გემებზე მებღვაურები მუშაობენ. მებღვაურები სევასტოპოლის ნავთ-სადგურიდან გამოგზავნეს. ხვალიდან ყირიმსა და კავკასიას შუა და სხვა მხარეს წესიერი მიმოსვლა იქნება აღდგენილი.

კორესპონდენციები

მ. ახალციხე. დღევანდელი ქალაქის მმართველნი რამ არაფითარ უურადადებს არ აქტევენ ხელ-მოკლე მოქალაქეთა გაჭირვების, ეს ცხადზე უცხადესია და ნურც გაგივირდებათ, რომ ახალციხის ძველი ნაწილი ანუ რაბათი, სდაც დარბ-დატაკი ქართველობა ცხოვრობს, დღეს დიდ გაჭირვებაში იყოს უწყობის გამო. ერთი ხეკის სიმსხო წყარო კი გამაწინწილებს, მაგრამ ვაი ამ „გამაწინწილებს“: ისეთი უხეირო წყალია, რომ მისი წყალობით უოკელ ზაფხულობით მუცლის წვა აუცილებელი მოვლენაა ჩვენთვის. თუმცა სახეკარ ვერსის სიმორეზე ფოცხოვის მდინარე ჩაუდის რაბათს, მაგრამ ესეც ხშირათ იმღვრევა ხოლმე და მასინ ხომ ჭურჭლის დასარეცხათაც ადარ ვარცა; კარდა ამისა, მას ერთვის აბასთუმის წყალი, რომელსაც მოაგარაკეთა ათასგვარი სენი ჩამაქვს და აფუტებს მდინარეს. ადვილობრივმა სამხედრო საქმიან უწყებამ უვარვისათ იცნო, როგორც მდინარე, ისე ჩვენი წყაროც და გამოაყვანია წყალი ერთ აქაურ მანლაბელ მთიდან. ჩვენი ქალაქის მამებმა ჩაქვით და დიდის მუდარით თხოვეს: ბატონო, თქვენი ჭირიშეთ, შეილება მწურვავლე გვეხრცებიან, მოწყალება მოიღეთ და გაიკითხეთ ბედისგან დაჩაგრული მოქალაქენია! სამხედრო მთავრობამ შეაწყინა მათი ვედრება და დღე-ღამეში სამსამი ათასი ვედრა წყალი უწყალობა ქალაქს. „ერთგულ მამებმა“ გადასწყვიტეს, ექვსათ გაგანაწილოთ ეს საუფე და ქალაქის უოკელ მხარეს გამოვადინოთ. (რასაკვირველია, მცხოვრებთა რიცხვის მიხედვით). რაბათელები მეტი სინარულით ფეხზე ადარ იდგენ, მოგვხედა დმერთმა და წყლით ჩვენი გამდიდრება იხება! მასინვე თხოვეს მამებს, ოდონდ ერთი ამ ახალ წყაროთაგანი ჩვენთვის გამოიმუტეთ და რაბათამდე ჩვენის ხარჯით ამოვიყვანოთ. „გულ-შემატკეპარ მამებმა“ ამ თხოვანს **принять къ свѣдѣнiю და-წერეს**, დაზირებთაც დაგვზირდენ, მაგრამ ამ „დაზირებამაც“ ისეთივე ჩაილუღის წყალი იგემა, როგორიც სხვა მრავალმა.

ჩვენი ქალაქის მმართველობას კარგი რამ სჭირდეს — გვივირდეს, ვაი რა საკვირველია... დახ, არ არის საკვირველი, რომ ეს წყაროებიც ახალ ნაწილის იმ უბნებში გამოადინონ, სდაც მათი სატრფო მდიდარნი ცხოვრობენ, და სდაც უმისოთაც მრავალი წყარო გამაწინწილებს, და სწაყალ რაბათს კი, რომელიც ქალაქის მეტხედას უდრის, ეწყობისაგან სული ამოხდეს.

ბაგრატ ბეთანელი.

მ. ვოთი. როგორც იქნა, ელირსათ ფოთის ნოქრებს ცოტა-ოდენი დასვენება კვირა-უქმეებში. 6 ივლისს გამოვირცხადეს ზოდიციელებმა კვირა დღით მარტო 5 საათი ვაჭრობა უნდა იქნეს, 12 საათიდან 5-მდინ, სხვა უქმეებში კი მარტო 12 საათამდინ. მართალია, შეუჩვეველმა ადებმა დაწვეეს ღაზარაკი, დაგაქტევეთ და დავიღუპებით, მაგრამ არაფერია. ამასაც შეეჩვევან.

დიდი უწყობაა, რომ თანხმათ იმავე დადგენილებისა, ყავანხანები და დვინის საწყობები 12 საათამდინ უნდა უოფილიყო დაკეტილი, მაგრამ ეს არავის არ მოყვას სისრულეში. საჭირთა ვისცანაც ჯერ არს ამას უურადადებს მიეჭტეს.

იმერელი.

მრეწველთა საბჭოში „ნება მომეცით დიდის 10 საათიან კვირ-
ბით ვმართო მუშათათვის იაფ ფასიანი წარმადებები, ხელს
სადამის 9 საათიან ჩვეულებრივად“. ეს განზრახვა ცხადია რომ
სიმპატიურია და არც მრეწველთა საბჭოს დაუტოვებია ბ-ნ დადა-
ნის თხოვნა უეურადღებოთ: რომლის თვისაც ნება დაურთავს ეს
ძლიერ კარგი მაგამ რა უნდა ქნას იმ მუშამ, რომელსაც
კვირა დღის ფული აქვს ასადები მრეწველის „კანტონის“
წინ იცადოს თუ თეატრში წავიდეს? რასაკვირველია ის იძუ-
ლებულია ჯერ ფული აუღოს, თავისი და ცალ-შვილის კუჭი
დააკმაყოფილოს და თეატრი განსე დატოვოს. ამ მიზეზით დი-
დიდან სადამოდის მუშებს უხდებათ „კანტონის-წინ უურუტი და
საკვირად სკოლისთვის და თეატრისთვის დრო არა აქვთ. სწამ
აქაური მუშების მდგომარეობა ამ ზირობებში იქნება, ე. ი. სწამ
შმათობით ფული არ დაურიდება, მანამდის შეუძლებელია იმა-
თვის რაიმე დაწესებულებით სარგებლობა. თუ კი მუშებისთვის
რაიმე განების სარგადს მიწოდება უნდა საბჭოს, საჭიროა მათ-
თვის თავდაზიარება დროს მხარეობა კვირაში ერთი დღე მანც.

მე მგონია მკითხველებს კი ესნობებათ თურა მწვავე კამათი
კამოიწვია მრეწველთა მესხეთე კრებაზე იმ საკითხმა, რომელიც
შეესებოდა მანებთან გამოსასხად გზების უვარვისობას. ისიც
მკენსენებათ მატევეტეულ მკითხველებს, რომ ამისათვის (გზები-
სათვის) ამოაჩიეს კამისია, რომელსაც მიანდეს გამაგვეფვა,
სად იყო საჭირო გზების შეკეთება და სად ახლის გაყვანა. ეს
კამისია ახალ გაზაფხულზე ერთი დაფტურება დაფტურდა, შე-
ფხაკურდა, მაგრამ მერმეთ ისევე მიუჩნდა. აკერ იულისი გადის და
გზებზე ჯერ არავის უხრუნვია. ნუ თუ ისევე ისეთ ტლანში უნდა
ვიტურათ ამ ზამთარშიც, როგორშიც შარშან ვტურათბდით?
ჩვენ, როგორც ვიცით, ეს კამისია შედგება ისევე მრეწველებისა-
გან, იმ მრეწველებისაგან, რომელნიც გზების უვარვისობას ჩი-
დენ მესხეთე კრებაზე. საკვირველია დმერთმანი! თუ მეტათ არ
ანტურესებათ ეს საქმე, რათ იწუხებდენ კრების დროს თავს?!
სირცხვილია, სირცხვილი, სხვა რომ არა იყოს-რა! ავიდეთ თუნდ
მაგალითად კელაკართის გზა (ჭიქურაში ჩამადის), ისეთ უხერ-
ხულათ მისჩნია მერმეს მასე მუშაობა უვარვისობის გამა, რომ
3/4 კანეიკს მეტს თსოულბს იმ გზიდან ქვის გამმტანსში.
შექრუთის გზასე (კლდის თავიდგან ჭიათურაში ჩამადის) იმაზედ
დაკს გადმობიდა, რომელიც ერთი ვერსის მანძილათ მეტია
კელაკართისასე, 1 1/2 კან., ხოლო კელაკართისასე—2 1/2 და 2 კ.
წელიწადში კელაკართის გზასე გადმოდის არა ნაკლებ 3 მილიონი
ფუთისა და ანგარიშე, მკითხველო, თუნდა 1/2 კანეიკი იხადოს
მეტი მრეწველმა, აბა რამდენს შეადგენს. შეიძლება თუ არა იმ
ფულით, რომელიც ერთ წელიწადს მარჩება გზის შეკეთება?
ლალა გუბელი.

რ უსმითის ხხმპრმმბა

ოფიციალურ „პედაგოგიურ კრებულში“, რომელიც გა-
მოდის სამხედრო სასწავლებლების უმათვრეს გამგეობასთან,
გამოცხადებულია ახალი წესები იმისა, როგორ უნდა წარ-
დგენილ იქნეს უმაღლეს სახლოაზე მოხსენება განსაკუთრე-
ბულ მოვლენების და საზოგადო არეულობების შესახებ სამ-
ხედრო სასწავლებლებში. უმაღლესია მართველობა სამხედრო
სასწავლებლებისა ვალდებულია ყოველ არეულობების შესა-
ხებ, რაც შეიძლება მალე, დაწვრილებითი მოხსენება წარად-
გინოს მათ უმაღლესობის სახელზე და თან აღნიშნოს უმათ-
რესი მიზეზები არეულობისა, და ზომები, რომელნიც მიღე-
ბულ იქნენ არეულობების შესაჩერებლათ და ჩასაქრობათ და
აგრეთვე აცნობონ იმ პირთა სია, რომელნიც უმათვრესი დამ-
ნაშავენი იქნებიან არეულობებშიო. სიაში უნდა აღნიშნულ

იქნეს თუ ვინც რა დანაშაულობა ჩაიდინა. ამიტომ სასწავ-
ლებლების გამგეთ ვვალბათ მიაწოდონ უმაღლეს მართვე-
ლობას ყველა საჭირო ცნობები სულ მოკლე ხანში იმის
შემდეგ, რაც არეულობების შესახებ ცნობა ექნება ვაგზავნი-
ლი. საქმის გარჩევის შემდეგ სასწავლებლის მთავრობა ადგენს
დასჯილ პირთა სიას, აღნიშნავს ვის რა სასჯელი დაადგეს და
ამას აცნობებს უმაღლეს მართველობას.

კანონთა კრებულში გამოცხადებულია, რომ გაძლიე-
რებული დაცვის წესები ერთი წლით ისევე დატოვებულია
შემდეგ ადგილებში: გუბერნიებში პეტერბურგისა, მოსკოვი-
სა, ხარკოვისა, ვოლინისა, ეკატერინოსლავისა, კიევისა და
პოდოლისა, ქალაქებში, დონის როსტოვში, ტაგანროგში და
ნახიჩევანში, ტაგანროგის მაზრის სოფ. კასპეროვკაში, სტა-
ნიცა-გნილოვსკაიაში, პასტუხოვის რკინის ქარხანაში, ქალაქ
ელისავეტგრადში, პასად ბოგოიაველენსკში, კალინოვკაში, კრი-
ვოირკში, კრივოროგის მანებში, გდანცევის მანის საღუ-
ღებელ ქარხანაში, პოკროვოს და შუისკის მაზრაში. ქალ-
ივანოვოვონესენსკში, თფილისში, ბათუმში, ბაქოში მაზრი-
თურთ, ოდესის და ნიკოლაევის ოლქებში, და იმ ადგილებში
რომელიც ექვემდებარებიან კრონშტატლის გენერალ-გუბერ-
ნატორს.

„პრომიშლ. ი ზღოროვ.“-ში აწერილია ქ. პეტერბურ-
გის სტამბებში მომუშავეთა მდგომარეობა. მუშაობა იქ ისეთ
სანიტარულ პირობებში ხდება რომ ჯანსაღი ასოთ-ამწყობი—
იშვიათი მოვლენაა, უმრავლესობა დასნეულებულია ყველა
სნეულებზე უფრო მათ შორის ქლექი მძვინვარებს. პეტერ-
ბურგში ყოველ წელს 8 1/2% ასოთ ამწყობი იხოცება ქლე-
ქისაგან, სხვა ავადმყოფობისაგან კი 6 პროცენტი. საშუალო
რიცხვით ყველაზე უფრო ახალგაზდა ასოთ-ამწყობებს იმსხვე-
რბლებს ხოლომე ქლექი უმათვრესათ 30 წ. ახალგაზდებს. სხვა ხე-
ლობის კაცებთან შედარებით ქლექისაგან სიკვდილის მიხედვით
ასოთ-ამწყობთ მესამე ადგილი უჭირავთ. ას მკედარზე მათ
შორის ქლექისაგან დახოცილნი 53 პროცენტს შეადგენენ,
თერძები 50 პროც. გადამწერლები—50 პროც., ზენიკლები—
47 პროც. და დურგლები—45 პროც. ქლექს გარდა ასოთ-
ამწყობთა განსაკუთრებული სნეულება ტყვიით მოწამლვაა.
სტამბებში მომუშავეთა ას კაცზე საშუალო რიცხვით ყოველ
წელს 2 პროცენტი იწამლვის ტყვიით და ასოთ-ამწყობების
ბევრი სხვა სნეულებანი ამ ტყვიით მოწამლვის შედეგია.
თვალის სნეულებანიც ერთობ ხშირია ასოთ-ამწყობთა შორის,
აგრეთვე ნერვების სნეულებანიც. ევროპაში საშუალო რიც-
ხვით ასოთ ამწყობნი 49 წლამდის ცოცხლობენ, პეტერბურგ-
ში კი ბევრად უფრო ნაკლებ ხანს.

საზღვარ-გარეთ

სპარსეთი: ევროპის სახელმწიფოთა ინტრიგებმა ისეთ ნა-
ირათ აწეწ დაწეწეს სპარსეთის საქმეება, რომ მამა შვადს ვეღარ ცნახს.
ევროპის ბურჟუაზიას თავის ჯაბის განსუქებათ და საქონლის გა-
სასადებათ ესაჭიროება სულ ახალ ახალი ბაზარი, და ისინი გა-
მაჯებული დაეძებენ ასეთებს ყოველ მხარეში. რადგან ევროპის ბა-
ზარი დიდი ხანია სავსეა საქონლით და იქ ახალი ბაზრის გამჩ-
ხრეკა შეუძლებელია, კაპიტალისტებმა ძველ ქვეყნებს, ჩამოჩენილ
მხარეებს მიმართეს. მარა საქმე ისაა, რომ ყველა სახელმწიფოს
ბურჟუაზიას სურს თავისთვის მისაკუთროს, თავის გაჯენას ქვემ
იყვლით ახლათ გამჩენილი ბაზარი და ზედ თავისუფლათ იფარ-
ფაშოს. ამ ნიადაგზე მათ შორის იხადება ქიშხობა და ინტრაგები
ერთი მეორის წინააღმდეგ, რომლის მსხვერპლი ხშირათ უდანაშუ-

მოუბოვოს. წვერებათ ბევრი გამოჩენილი პირი ჩაწერილა, თავმჯდომარე ლიბერალ-უნიონისტი—სუტერლანდის ჰერცოგი, რამდენიმე ლიბერალებიც ჩაწერილან ლიგაში.

მაკედონია: უკანასკნელი ორი კვირის განმავლობაში მაკედონიიდან ამბები მოვიდა, რომ მაკედონელების მდგომარეობა ოდნავაც არ ჩამდგარა უკეთეს პირობებში. მართალია ამ ხანში არ მომხდარა ისეთი შემადრწუნებელი ამბები როგორც წინეთ სმერლანდში, სადაც ერთიანათ დააწიოკეს ხალხი ოსმალთა ბაზიბუზუებმა, რადგან მაკედონელთა კომიტეტების რევოლიუციური მოძრაობა დროებით მიწყნარდა. მაგრამ მაკედონელების მდგომარეობა ისევ ისე აუტანელია, როგორც წინეთ იყო. კომიტეტები ახლა თავის მომხრეებს უყრიან თავს... მთებში გლეხები სულ მეტი და მეტი ემხრობა მოძრაობას და რევოლუციონერთა რაზმში ღვება. ამას ახლა ყველა გაზეთები აღიარებენ, ისინიც კი, რომელნიც მეტათ ანტიპატიურათ ეპყრობიან ბრძოლის საქმეს. ერთი ტელეგრაფის სააგენტო სწერს, რომ მონასტირის ვილაიეტში მემბოხეთა რიცხვი თან და თან მატულობს. ამასთან აღიარებს იმასაც, რომ მემბოხენი დიდ ენერჯიას იჩენენ. ისინი ხშირათ გააქცევენ ხალხს სამჯერ უფრო მეტ რიცხვოვან ოსმალთა ჯარს- მაგრამ ილოიზიკოსკი ყოველთვის მაღავს ასეთ ფაქტებს, და განგაშს იწყებს, როცა ამბავი მაკეა ამა და ამ ადგილას ოსმალთა ჯარმა გაიმარჯვია. მემბოხეთა ასეთი გმირული ბრძოლა თავდები იმისი, რომ თუნდაც გარეშე დახმარება ვერ იშოვოს მაკედონიამ, მაინც შეეძლება თუ მთელი წლები არა, თვეები მაინც გაუძლოს ოსმალთა ბარბაროსობას—მხნეთ გასცეს პასუხი მის ჯარს.

ამ უკანასკნელ დროს კომიტეტების შინაურ ცხოვრებიდან ზოგიერთ ამბებს გადმოგვცემენ, რომლებიც მოწმობენ რომ კომიტეტებში ერთობა დარღვეულია. ლაპარაკი გამოუწვევია კასის მოწყობის საქმეს, კონფერის კომიტეტს სურს რომ ყველა მოგროვილი ფული მაკედონელთა რევოლიუციის სასარგებლოთ მის კასაში ინახებოდეს. ასეთსავე მოთხოვნილებას ადგენს თავის მხრივ საფაროვის კომიტეტიც. ჯერ ჯერობით ვერ შეთანხმებულან.

სმარბია. ყველგან, სადაც კი ფეხი მოიდგა კაპიტალი-სტურმა წარმოებამ, განვითარდა აღებ-მიცემობა, გაჩნდა პროლეტარიატი, ყველგან აღორძინდა და გაამაგრდა მათი იდეოლოგიც სოციალდე-მოკრატიული პარტია, სერბიაში კარგა ხანია გაჩნდნენ სოციალ-დემოკრატები, მაგრამ ისინი მომქმედებდნენ, როგორც კერძო პირები, განცალკევებულა, და ან რადიკალურ პარტიასთან ერთათ, ისინი მცირე რიცხვოვან-აყვენ და საკუთარი ორგანიზაცია საკუთარი პარტია აქამდე არ ქონიათ ახლა კი როგორც სერბიის გაზეთები გადმოგვცემენ, მათი რიცხვი საგრძნობლათ გაიზარდა და უკვე განუზრახავთ განცალკევება რადიკალულოურ პარტიიდან და საკუთარი პარტიის შედგენა. „დენნი ლისტს“ თუ დაუჯერებთ უკიდურეს რადიკალებსაც თავის პროგრამა სოციალისტურ პრინციპებზე დაუწყარებიათ. ახლო მომავალში უკვე შედგება სოციალდემ. პარტია და მომავალ არჩევნებზე ეკენის-თვეში საკუთარ კანდიდატებს წამოაყენებენ.

კ ი ძ ა

(მოთხრობა გურიის ცხოვრებიდან)

V

(გაგრძელება. იხ. „კვალი“ № 24)

მეორე დღეს ქრისტინე ადგა მხიარული; მას დღეს გან-

საკუთრებით უხაროდა, რომ ცხოვრება ასე ტკბილი და უღარდელი აქვს. „შვილი, ქმარი, ოჯახი, სოფლური ცხოვრებაა, თვარა აქნაი განა თავს იწუხებს ვინმე იმისა, რა უფრო და უფრო იწვევდა მას ცხოვრება თავისაკენ. ბულგარში მას ახლა ბევრი მეგობრები ყავდა: მოსამსახურე, გამძღები და ძიძები, რომლებსაც დაყავდათ პატარა ბავშვები სასეირნოთ. უფრო ხშირათ ისინი დიდ წრეში გრძელ სკამებზე ისხდნენ ჩამწკრივებული, მასლა-ათობდნენ და თვალს ადევნებდნენ ამ დროს შვაზე, სილის დიდ გორაში, მოთამაშე ბავშვებს. რა ამბავი უნდა მომხდარიყო ისეთი ქალაქში, რომ აქ არ ცოდნოდათ. განსაკუთრებით კი იცოდნენ სიყვარულის ამბები: ვინ ვის უყვარს, ვინ ვის უღალატა, როგორ გაექცა ამა და ამას ცოლი, ვინ ვის წაართვა ცოლი და სხ... ისინი ყოველთვის უფრო თანაგრძნობით და მოწიწებით იმათ იგონებდნენ, ვინც სიყვარულში უფრო სიყოჩადეს, დარდიმანდობას და მოხერხებულობას იჩენდა. ვინც მოტყუებული იყო, ისინი ზიზლით ლაჩარის სახელით ნათლავდნენ მათ, მაგრამ საკმაო იყო, რომ დარდიმანდ მოხერხებულ მოარშიყეს, რომელსაც ისინი პატივისცემით იხსენიებდნენ, შემთხვევად რამ უბედურება, რომ მაშინვე ზიზლით ჩაექალათ ის. ქრისტინეს ქალბატონს ყველანი თანაუგრძნობდნენ მის სიყვარულში და ყოველთვის დიდის ინტერესით ეკითხებოდნენ ქრისტინეს იმის ამბავს.

ერთხელ ქრისტინემ, როცა ჩვეულებისამებრ დილით ბავშვი საწოლ ოთახში შეუყვანა ქალბატონს, ის ერთობ გულმოსული დაუხვდა.

— რა არის, ერთ წუთს რომ არ მოასვენებთ ადამიანს. გაჯავრდა ის, — როცა დაგიძახო, მიშინ შემოდი.

ქრისტინე გამოვიდა ოთახიდან გაკვირვებული. მას თავის დღეში არ უნახავს ქალბატონი ამნაირ ცუდ გუნებაზე. მაგრამ ქრისტინე თითონ ისე კარგ გუნებაზე და ბედნიერი იყო, რომ სრულიად არ დაუნადგლიანებია ამ შემთხვევას. ის წავიდა ბულგარში და მხოლოდ იქ მიხვდა ქალბატონის გაჯავრების მიზეზს, როცა მხიარულათ დაეკითხა მას რამოდენიმე ხმა.

— აბა, რას შობა ახლა შენი ქალბატონი? №-ს პოლიკი რომ გადაიყვანეს, ხომ წაუფა მისი სულიკო...

როცა ქრისტინე შინ დაბრუნდა, ქალბატონი კიდევ უფრო გაჯავრებული და მოწყენილი დაუხვდა და ამ დღიდან სრულიად შეიცვალა დერიანის ოჯახში ცხოვრების ჰანგი. მუდამ გაჯავრებული ქალბატონი განუწყვეტლათ კაპასობდა. ცოლქმარი კი ახლა მუდამ ჩხუბობდნენ და ყოველს ჩხუბზე ქალბატონს ისტერიკა მოსდიოდა; ასხამდნენ მას ოდევკალონს, და მერე მთელი დღე თავშეხვეული დადიოდა. საღამოზე კი მოირთვებოდა და მიდიოდა საღმე სტუმრათ. ან მასთან მოდიოდნენ სტუმრები და მაშინ ვარდის ფერი „პენუარით“ გამოდიოდა ის მათთან ტანჯულის დაღონებულის სახით. სტუმრები თამაშობდნენ ბანქოს, ხანდისხან ისიც თამაშობდა მათთან, ხან კი ნელის ნაბიჯით მიდიოდა ფორტოპიანოსთან, ნახათ გადაიგდებდა უკან გრძელ ფრიალა სახელოებს, გამოაჩენდა მსუქან ტიტველა ბრასლეტებიან მკლავებს და ნახათ დაიწყებდა რამე „რომანსის“ დაკვრას. ხანდახან მღეროდა კიდევ. მღეროდა ის ვნებით, ამღელვარებული მთრთოლარე ხმით. როცა დაჩუმდებოდა, კიდევ და კიდევ თხოვდნენ ემღერა; ისიც კიდევ და კიდევ მღეროდა მხიარულ სიმღერებს. მერმე დაღალული დაესვენებოდა დიდ სოფაზე და გასცქეროდა მოთამაშეებს. ქაღები ამნაირ მის მდგომარეობას, მაინც და მაინც დიდ ყურადღებას არ აქცევდნენ. მამაკაცები კი დროთი დრო მიდიოდნენ და მონაწილეობით ეკითხებოდნენ: როგორ გრძნობს ახლა თავს. ქმარი კი უღვაშებ ქვეშ ილიმე-

ბოდა და მხიარულათ თამაშობდა ბანქოს. ის ყოველთვის იგებდა.

— სიყვარულში ბედი არა მაქვს,—სიცილით ამბობდა ის ხშირათ,—იმიტომ ვიგებ.

— აი ვის აქვს სიყვარულში ბედი—აჩვენებდნენ ხარხარით უღვაშებ აწყებულ აფიცერზე. რომელიც მართლად სულ აგებდა.

„შენ გესიზმრება ლოყა წითელი, თმა შავი ბიჭი გულის 'მემწველი'...“

მოისმობდა ამ დროს მეორე სტოლიდან ვისიმე ღიღინი და ყველანი ხარხარობდნენ.

სამხარეულოშიაც მხიარულობდნენ. აქ ტახტზე ჩამწკრივებული ისხდნენ ტასია ჰარმონიკით ხელში, მასთან ახალგაჯნობილი გახარებული საყელო-სამაჯურებიანი ნოქარი და დენშიკი, იმათ პირდაპირ სკამებზე ისხდნენ ქრისტინე, სანდროი და სხ...
— შენი ქირიმე ტასია, აბა ერთი დაუკარი, მე და ქრისტინე ვიმღერებთ, ა ვიმღეროთ! გამოუყარა სანდროს ხელი მკლავში ქრისტინემ და ჩახვდა თვალებში.

— ვიმღეროთ,—გაიცინა ქრისტინემ მხიარულის გაბრწყინვებულის თვალებით და დაიწყო:
„შე-ე-ნი სუ-უ-უ-რათი ხა-ტათ
სა-ა-ას-თუმალს მის-ვე-ე-ნია“...
— ნელა, ნელა, არ გეგონონ, თვარა გაცოფებულსავით გამოუარდებიან.

— გულამ გავატარეთ ძან დროი, არაკაცი არ იყო შინ,—თქვა ნოქარმა—აბა, ერთი შენ პოლკა დაუკარი, რუსო,—მიმართა მან დენშიკს—ჩვენ ვიცეკვებთ, მოკიდა მან ტასიას ხელი წელში და ასწია.

— არა, ფანტი ვითამაშოთ, მუზიკას გეგონებენ.
— ფანტი, ფანტი, გაეხარდა ყველას.
— მე წავალ ბალანას ვნახავ და მუალ.—ქრისტინე გაიქცა კუნტრუშით და ისევ ჩქარა მოიბრინა უკან.
ყველანი შეუდგნენ ფანტის თამაშობას. პირველი ამოუვიდა სანდროს.
— ქალადი იყოს, ქალადი, მოისმა აქედ იქიდან ხმა. სანდრომ გაისწორა უღვაშები ადგა და მივიდა ღიმილით ქრისტინესთან.
— მე რომ ქალადი ვიყო, რას მიზამდი? ქრისტინე ცოტა ხანს ჩაფიქრდა.
— რას და—დაიწყო შეწითლებულმა ქრისტინემ.—რას და დავწერდი ზედ:
„წეროსა ვწერ ვარდის ძირსა,
წვერი მიტყდება კალამსა.
შორიდან გიძღენი მრავალსა
სიყვარულს, კოცნას, სალამსა“...
— შენ რას იზამდი?—მიუბრუნდა ის ნოქარს კმაყოფილათ უღვაშების გრებით.
— დავაფურთხებდი ზედ—გადაიხარხარა მან. იცინოდნენ ყველანი. ნოქარს ერგო ნაფოსნობა.
— მე და სანდრო რომ ვიჯდეთ ნავში, ვის გადავდებ-წყალში?—კითხა მან ტასიას.
— ორივეს გადავადგებდი და კოსტიას ჩევიჯენდი—გადაიხარხარა ტასიამ და შეხვდა ნაცრის ფერ ჩოხიან კობტიას, რომელიც ესევც იყო შამოვიდა სამხარეულოში.
ნოქარს გარდა ყველამ გადაიხარხარა და გამოართვეს ფანტი კობტიასაც...
ისინი თამაშობდნენ და შეექცეოდნენ სუფრაზე დალაგებულ ხმელ ხილს და კარამელს.

თუ ბატონები არ იყვენ სახლში, მაშინ გაუწყვეტელი ცეკვა-თამაში, დაირა და სიმღერა ისმოდა.

აღდგომის მიწურული, (აღდგომა წყურთს ვეინი იყო—ოცდა ოთხ აპრილს) ტასიამ ერთბაშით შეწყვიტა მხიარული საღამოები და თითქმის ყოველ საღამოს თითონ დაიწყო საღამო სიარული.

ერთხელ დილით ვიღაც გამოპრანჭული ქალი, რომელიც ამ ბოლო დროს ხშირათ მოდიოდა ტასიასთან და რასაც საიდუმლოთ ეწერებოდა, მოვიდა ტასია წაიყვანა.

მთელი დღე ტასია აღარ მოსულა და დაბრუნდა მხოლოდ ღამე.

გაკაპასებული ქალბატონი მთელი დღე ემუქრებოდა, როგორც მოვა ტასია მაშინვე გავაგდებ სახლიდანო. მართლაც მეორე დღეს ჩვეულებრივზე უფრო ადრე ადგა, ჩაცმაზე ძიძა მოიხმარია, დაუძახა ტასიას და დაუწყო ტუქსვა.

— მე ჩემ სახლში გარყვნილებას არ მოვითმენ.—ყვიროდა ის,—ახლავე გამეცალე ჩემი სახლიდან...
— შენ სახლში გარყვნილებას არ მოითმენ?!.—ხა-ხა-ხა! გადაიხარხარა ტასიამ.

— ახ, რაებს მიბედავს, პავლე, პავლე, უყურე რაებს მიბედავს, ღმერთო ჩემო!

— ოხ, ოხ, ო, ნუ ყვირი, თუ ღმერთი გწამს, მე თითონ მივალ დღეს შენი სახლიდან.

— წაიყვანეთ, წაიყვანეთ აქედან ეს გომბიო,—გაექანა ის მჯიღებ მოღერებული ტასიასაკენ საცემრათ, მაგრამ ლონე მიხილი ისტერიკულის ტირილით დავარდა იქვე დიდ სავარძელზე.—ვაი, ვაი თირკმელები ამტკივდა, თირკმელები. დამიხსენით ამ გომბიოსაგან,—იძახოდა ის და ისვამდა წელზე, ხელს.
— ახ, ღმერთო ჩემო, რა უბედურებაა, კიდევ ისტერიკა!—ამ სიტყვებით გამოვიდა ისევ გარეთ ვაჟბატონი, რომელიც ისიც იყო შამოვიდა ცოლის ძახილზე.
საღამოზე ტასია წავიდა დერიანის ოჯახიდან.
აღდგომას კოწია არ ჩამოვიდა. ქრისტინეს ცოტა არ იყოს უკვირდა ეს, მაგრამ დიდხანს არ შეჩერებულა ამ აზრზე. რაც ტასია წავიდა საქმეები მოემატა მას, მაგრამ სამაგიეროთ ახლა ის ქალბატონს მერმე უმთავრესი გამგებელი იყო სახლში, მუდამ ცუდ გუნებაზე მყოფი ქალბატონი ხშირათ უზნაურობდა. კაპასობდა. ქრისტინე დიდის მოთმინებით ემსახურებოდა მას, აცმევდა ტანზე, ფეხზე, აბანიებდა პირს, ვარცხნიდა თმას და უწმენდა ტანისამოსს. ბავში კი უმეტეს ნაწილათ, რადგანაც ქრისტინე მუდამ საჭირო იყო ქალბატონისთვის, იჯდა მარტოკა თავის ოთახში და ჟღარუნებით თამაშობდა. ქრისტინე ცოტ-ცოტა თან-და-თან გადაეჩინა კიდევაც მის სიყვარულს. ის უფრო-და-უფრო ეძღვოდა გულის თქმას, ცდილობდა, მოსწონებოდა მამაკაცებს, ეკეკლუცებოდა თითქმის ყველას: დენჩიკსაც, რომელიც მიუბარებოდა ხანდისხან და კოცნიდა კიდევაც, რისთვისაც ქრისტინე ვითომ და გაჯავრებული ხარხარით გაუბოდა მას, ვაჟბატონსაც და სხვებსაც. მას მოსწონდა, რომ მისი დანახვა იწვევს მამაკაცის გულში ვნებით სურვილს, რომელსაც ის სიყვარულს ეძახდა, უხაროდა და მხიარულათ ცხოვრობდა. სხვა ცხოვრების მოთხოვნილება—მოვალეობა დაჩრდილა ამ ლტოლვილებამ მის გულში. მას სურდა მხიარული ცხოვრება, სიყვარული და სხვისი რა დარდი ქონდა. რამოდენიმე დღის შემდეგ კიდევ უფრო სასიხარულოთ შეიცვალა მისთვის ცხოვრება, რადგანაც ქალბატონი ისევ გამხიარულდა და აღარ უზნაურობდა.

ერთ საღამოს მოვიდა შინ ქალბატონი ერთობ ბედნიერი და მხიარული, მოეხვია ქმარს და აღერსიანათ უთხრა:

— ჰავლე იცი, საქველ-მოქმედლო მიზნით ცოცხალ სუ-
რათებიან კონცერტს მართვენ და მონაწილეობას მთხოვენ
ცოცხალ სურათებში.

ქრისტიანე ამ დროს ხდიდა მას არშიებით და მძივებით
ნაქარგ მოსახურავს და ქუდს.

— მე რე რა, მიიღე მონაწილეობა, რა გიშავს. რას
დგამენ?

— ბერძნების მითოლოგიიდგან; მე ვენერა ვიქნები.

— აპოლონი ვინდა არის?

— აპოლონი ვერ არის მაინცა და მაინც შესაფერი, მა-
გრამ პარისი იცი ვინ იქნება?

ისინი გავიდნენ მეორე ოთახში და ქრისტიანს აღარ გა-
უგონია, ვინ იქნება პარისი.

მეორე დღეს ქალბატონმა მოითხოვა დილით ბავში,
ვალერსა, აკოცა და დაუბრუნა ძიძას. შემდეგ უთხრა სი-
ცილით:

— იცი ძიძა, საღამოზე სტუმრები გვეყოლება, შავგრე-
მანიც იქნება, — გაიცინა მან ცბიერათ. ცოტა შეჩერდა და
ისევ ისე მხიარულის ღიმილით დაუმატა: შკაფში რომ ღვინის
ფერა და იის ფერი კაბებია, შენდა მიჩუქებია, ორივე წაიღე.
კიდევ რა ვაჩუქო, მითხარი კაი გუნებაზე ვარ... ჰარმონიკას
გიყიდი, მე დავინახე ერთჯერ, უკრავდი შენ. აბა, ჰა ჩამო-
ცვი, — მიუშვირა მან ფეხები.

— მადლობელი ვარ, შენი წყალობა აფერი მაკლია. —
მიუგო ქრისტიანემ. — იმისთანაი კაი გიტარის დაკვრა იცის,
ბატონო, სანდროამ!.. აჰ, გიტარასანაი ხმაი არ იქნება, ნა-
მეტარი დიდკაცურია.

— აბა გიტარას გიყიდი, თუ მოგწონს? მარა ეს სანდ-
როია ვინაა? შენც კვალერები გაიჩინე? — დაუქნია მან თითი
ქრისტიანეს სიცილით. — კი ვეტყვი მე შენ ქმარს, აბა ჩამო-
ვიდეს!.. მომეცი ცისფერი ჰენჯარი:

— რავა, მეც ქე მაქ ენა, — უთხრა წათამამებულმა ქრი-
სტიანემ ღიმილით და გაშალა კაბა ჩასაცმევათ;

— ოჰო, ერიჰა, შენც ეტყვი თუ? ხა-ხა-ხა! ეს კარგია
სწორეთ! აბა, ქვით, შენც სუ და მეც სუ. ყოჩაღ ძიძა, ყო-
ჩაღ! უსათუოთ გიყიდი გიტარას, გასწავლის დაკვრას შენი
მიხაკო.

— სანდრო.

— ჰო სანდრო. მან დაიბანა პირი, მერმე მიუბრუნდა
ძიძას:

— ერთი ძიძა სასიერნოთ რომ წახვიდე, ჩემ მკერავთან
შეიარე და უთხარი უსათუოთ მოვიდეს, უთხრა მან და გავი-
და სასადილო ოთახში.

მხიარულ და ბედნიერი წავიდა ქრისტიანე მკერავთან,
მაგრამ მის გაკვირვებას და სიხარულს საზღვარი აღარ ქონ-
და, როცა მკერავთან მან ნახა გძელი კუდიანი კაბით და ყვა-
ვილებიანი ტასია.

— ახ, ქრისტიანე, რა გამეხარდა შენი ნახვა, დღეს გო-
გოს გამოგზავნას ვაპირებდი შენთან, — უთხრა მან ქრისტიანეს.
ტანზე მას მოწითანო კაბა ეცვა და წითელი ლენტი საყე-
ლოზე დიდი ბჭყვრიალა ოქროს ბროშკა ქონდა მიბნეული,
ლაპარაკობდა გარკვევით და პრანჭიობით.

— ოღონდ დროისთვის დამიმზადე და ფასზე კი მოვრიგ-
დებით, მიუბრუნდა ის ისევ მკერავ ქალს.

— დაგიმზადებთ, როგორ არა, — აილო მკერავმა ხელში
ყვითელი აბრეშუმის მატურია. — ძალიან კარგი ფართალი
არის, ამას შავი ხავერდი და აბრეშუმის არშიებით გაწყობა
დაშვენდება, მოსაზომებლათ ოთხშაბათს მობძანდით.

ტასიამ მედიდურათ დაუქნია თავი მკერავს, მედიდურათ
დაემშვიდობა და მოკიდა ხელი ქრისტიანეს.

— აბა, წავიდეთ, ფაიტონი მიცდის. — ისინი გამოვიდნენ
გარეთ და ჩასხდნენ ეტლში. ტასიამ გაშალა წითელი ქოლგა
და უბრძანა მეეტლეს წასვლა.

— ჩემი შვენიერი საღამომდის არ გიფიქრობია
ქრისტიანეს. — წავიდეთ შინ, ყავა დავლიოთ და მერმე გავი-
სიერნოთ ერთათ. ჟორჯეტაჯან, დავავიწყდი? მიუბრუნდა ის
ბავშს.

(შემდეგი იქნება).

ნინო ნაკიშიძისა.


ს ტ უ დ ე ნ ტ თ ა კ ი თ ს ვ ა .

(შენიშვნა)

ძლიერ დაინტერესა ჩვენი საზოგადოება და კიდევ უფ-
რო თვით სტუდენტობა ბ. სიტყვას მიერ „ცნობის ფურცელ-
ში“ აღძრულმა კითხვამ. ბ. სიტყვას საყვედური სტუდენტე-
ბის მიმართ სრული ქვეშაობაა, ამას მოწმობს თვით ზო-
გიერთი სტუდენტთა წერილები, რომელნიც გულახდილათ
აღიარებენ სტუდენტთა დაკნინებას; მაგრამ ამათ გვერდით
ისეთებიც არიან, რომელთაც ჯერ კიდევ შერჩენიანთ დიდი
წარმოდგენა თავიანთ თავზე, თავის სტუდენტობაზე, და თუ
ხედავენ რამე ნაკლს სტუდენტობაში, იმისიც გამართლება
უნდათ მით, რომ არა ერთი ნაკლი ახლავთ ნასტუდენტარე-
საცაო.

ჩვენ ამ კითხვაზე კამათს შედარებით გულგრილათ ვუ-
ყურებთ, რადგან საზოგადოების ხსნას სულ სხვა მხრიდან
მოველით, მაგრამ თავის თავათ კითხვა მაინც საინტერესოა.
რა მოხდა ისეთი ჩვენ ცხოვრებაში, რამაც აგრე რიგათ დაა-
ხვეია უკან სტუდენტობას?

არაფერი, გარდა ამისა, რომ თვით ცხოვრება წინ წავიდა,
განვითარდა და ყოველ დღე უკეთესი მომავალის მოახლოვებას
ვგრძნობთ. პირველი შეხედვით, თუ ჩვენი ნათქვამი მართა-
ლია, მაშინ დღევანდელ სტუდენტობა უკეთესიც უნდა იყოს;
სამწუხაროთ ეს ასე არ არის, არც ჩვენში და არც სხვაგან,
და ეს აიხსნება მით, რომ ჩვენი ცხოვრება წინ წავიდა. წარ-
ვიდნენ დრონი სტუდენტების ჰეგემონიისა, და დღეს ვერავის
აკმაყოფილებს მათი ლიბერალური ფრაზები, რომელთა დღენი
ყოველთვის დათვლილი იყო და დიპლომის მიღებას დიდი
ხნით ველარ გადასცილდებოდა ხოლმე. ამას მოწმობს ნასტუ-
დენტართა დღევანდელი ფიზიონომია, რომელნიც სანამ
შემთხვევა უწყობდათ ხელს ლიბერალობდნენ, დღეს კი მათი
დიდი უმრავლესობა ბნელეთის მოციქულებათ არიან ქცე-
ული და ყოველ მოწინავე აზრს წინ ელობებიან. ამ
მხრით ჩვენ სრულიად ვეთანხმებით იმ სტუდენტებს,
რომელნიც ნასტუდენტარებზე გვითითებენ, მაგრამ ვიმეორებთ
ეს ახლანდელებს არ ამართლებს. თვით ასაკი, თვით სტუ-
დენტობის ხანა, ისეთია აღამიანის ცხოვრებაში, რომ თუ ამ
დროს არა, შემდეგ იმას ველარაფერი გაიტაცებს, ველარაფე-
რი ამოდრავებს და დღევანდელი სტუდენტები კიდევ უფრო
ღრმათ ჩატობავენ ცხოვრების წუმპეში, რადგან მათ დღეაღ
არაფერი იტაცებს მაინცა და მაინც. რასაკვირველია, ამათ
რიცხვში არ ვთვლით იმ უმცირესობას, რომელიც ასე თუ
ისე მოწინავე კლასს ემხრობა, მაგრამ მათ ბევრი არაფერი
აქვთ საერთო მოლიბერალო უმრავლესობასთან. დღევანდელ
პირობებში, როცა განვითარებულმა ცხოვრებამ აშკარათ
წამოაყენა სხვა და სხვა ჯგუფთა და კლასთა ინტერესები,
მათი წინააღმდეგობა, სტუდენტობის როლი უსათუოთ უნდა
დამცირებულიყო, რადგან თვით სტუდენტობის უმრავლე-
სობა კონსერვატიული და უკეთესს შემთხვევაში ლიბერალუ-
რი. წვრილი და მსხვილი ბურჟუაზიის წრებიდან არის გამო-



სული, რასაც ხელს უწყობს თვით რუსეთის უნივერსიტეტების დღევანდელი წესდება, რომელიც თავის კარებს ასე თუ ისე მხოლოდ შეძლებულებს უღებს.

ხოლო ამ ნაწილს საზოგადოებისას, თუ ერთი მხრით ცვლილება მიაჩნია საჭიროდ, მეორე მხრით ეწინაა კიდევ ცვლილებისა, ეწინაა, რადგან მისი ინტერესი ჯერ-ჯერობით მხოლოდ გარე კანის შეცვლას თხოულობს და არა საფუძვლისას. ამიტომ სტუდენტობაც ორკოფ მდგომარეობაში არის მოყოლილი და, მოგესხენებათ, ორკოფი ხალხი ვერასოდეს ვერ გაუწევს საზოგადოებას მეთაურობას, ვერ იკისრებს ჰეგემონიას. ეს შეუძლია მხოლოდ იმ ჯგუფს, რომელიც დარწმუნებულია თავისი მოძრაობის სამართლიანობაში, და თუ წინ არა, უკან არაფერი რჩება გულდასაწყვეტი. ასეთ მდგომარეობაში დღეს სხვა წრეა და არა წვრილი ბურჟუაზია, არა რაზნაოჩინეცი, რომლის ცხოვრების სარბიელზე გამოსვლას ისეთი აღტაცებით მიეგება სამოციან წლებში რუსეთის მწერლობა. აი ეს არის ჩვენი აზრით საზოგადო მიზეზი სტუდენტთა დაქვეითებისა, თუ კი შეიძლება ასე ვთქვათ და მაინცა და მაინც იმედს არ უნდა ვიტყვდეთ ამ მოვლენით. ისტორია უღმობელია, მასში ყველაფერს საზღვარი აქვს, ყველაფერი წარმავალია და მათში სტუდენტების როლიც. ეს ხომ პირველი და უკანასკნელი ჯგუფი არ არის, რომ ასე ჩამორჩა ცხოვრებას. სხვა ქვეყნების სტუდენტებსაც ასე მოუვიდა, როგორც მაგალითად გერმანიაში და საფრანგეთში, საცა დღეს სტუდენტობა არც კი სჩანს საზოგადო ცხოვრებაში, ხოლო თუ გამოჩნდა სადმე, ვერც იქ ისახელა თავი. საკმაოა, მოიგონოთ გერმანელ სტუდენტთა ქცევა ბისმარკის იუბილეს დროს და საფრანგეთის (პარიზის) ზოლას წინაღმდეგ. საბედნიეროდ არც ჩვენს და არც რუსის სტუდენტობას ისეთი არაფერი ჩაუდენიათ აშკარათ, თუმცა ჩვენი სტუდენტობის უმრავლესობა უკვე დაადგა ფრანგ ნაციონალისტების გზას; მაგრამ ამაზე ახლა არ ღირს... დასასრულ შეგვიძლია ჩვენი სტუდენტობის სანუგეშოთ ვთქვათ, რომ ჩვენ მომავალში ერთი მომენტი მაინც არის დარჩენილი, როცა მათი ძალაც გამოსადეგი იქნება და იმითიც უნდა დავკმაყოფილდეთ, თუ იმ გადასახვევამდინ მიყვებიან მოწინავე კლასს, სადაც არა ერთი და ორი ჯგუფი შეჩერდება და ზოგი უკანაც დაიწყებს წევას...

ნასტუდენტარი.

ქოცა რამ სოფლის სკოლებზე.

არა ერთხელ გვსმენია საყვედური: ამა და ამ სკოლამ წელიწადში ორი-სამი მასწავლებელი გამოიცვალა, სწავლება რიგიან ნიადაგზე არაა დაყენებული, მასწავლებელს თავის მოვალეობა ავიწყდება და ბევრი სხვა. წელს პირადათ ჩვენ ერთმა პატივცემულმა პირმა შემოგვტერა: «დაიღუბა სოფლის საქმე, გათახსირდა ენა, ცოტათი შეგნებული მასწავლებელი სოფლის სკოლას გაურბის და მოუშადადებლმა შეუგნებელმა სხვას რა უნდა ასწავლოსო». არც ერთი მომხივანთაგანი არ ასახელებს მიზეზს, რისთვის გაურბის მასწავლებელი სოფლის სკოლას, რატომ სწავლება რაგან ნიადაგზე არაა დაყენებული, ან რათ ავიწყდებათ მასწავლებლებს თავიანთი მოვალეობა. შევეკითხები ხალხის «ფულშემატკივართა»—გამოუცდიათ ის აუტანელი ჯაფა, ის საპატიო, მარა თითქმის ყველასაგან შეურაცხყოფილი ხელობა, რომელსაც სოფლის მასწავლებლობას ეძახიან? მგონი არა. და აბა, რა ძნელია სხვისი მოქმედების გომოუძიებლათ გაკიცხვა, «სხვისი ბუდიდან კუკუს ძახილი». ვინც ცხოვრებას საღი თვალთ უყურებს,

დამეთანხმება, რომ—თუ კაცი ნივთიერათ დაქვეითებულია ე. ი. შიან, მას თითქმის არავითარი შრომა არ შეუძლია. სოფლის მასწავლებელიც ადამიანია, თუ თქვენს დაქვეითებებით, მასაც უნდა საზრდო როგორც «საქვეითებულნი» ვთქვათ; მანაც უნდა გამოყოს თავი საზოგადოებაში, რადგანაც ყველა ამას უნდა ფული—ეს ყოველათ შემძლებელი ჩვენი დროის ღმერთი. ახლა წარმოიდგინეთ 20—25 მანეთიანი სოფლის მასწავლებელი, რომელიც ყველა ამ მოთხოვნილებებ გრძნობას და რომლის ბედი სოფლის ბობოლა ჯაჭვოსანზე კიდია. მიეცი „ტარშინას“ „გასამრჯელო“, მოგცემს ჯამაგირს, არა და სწერე „ოტნოშენიები“ სანამ ქალაქი ფასი ავითავდებოდეს. „ოტნოშენის“ „პრედისანიე“ მოყვება, „პრედისანიე“ს „ობიასენიე“ და ამასობაში ან გაგძვრება პავლეს ტყავი და ან გადაიკარგები სოფლიდან. თუმცა კიდევ 1878 წელს იყო უმაღლესი ბრძანება იმის შესახებ, რომ სოფლის მასწავლებლებს დროზე მიეცეს ჯამაგირიო, (Циркул. предложение гг. Губернат. о своевременном удовлетворении учителей начальн. училищ жалованиемъ отъ 4 декабря 1878 года № 185) თუმცა ეს ორი წელიწადია საპენსიო კასა დაარსდა, რისთვისაც ჯამაგირი ყოველთვიურათ უნდა წარადგინოს მამასახლისმა ხაზინაში პროცენტების გამოსარიცხავათ, მარა ისევ ძველებური «ხადერკა» ისევ ძველებური «ობიასენიე». არ იფიქროთ ხალხი არ იხდიდეს დროზე თავის წვლილს მასწავლებლის ჯამაგირისთვის; არა—ხალხი იხდის, მარა რაღაც მანქანებით მამასახლისი გამოდის ყველა „პროშენიებზე“ და „პრედისანიებზე“ უფრო მაღალი! უკეთეს მფარველობას ამ მხრით არც პირდაპირი მთავრობა უწევს სოფლის მუშაკთ. გუბერნატორი არ შეაწუხოთ თქვენი ჯამაგირისთვისო! (Циркулярное предписание учителямъ отъ Х.-дирекции, отъ 1899 г. № 798). რა ყველა ეს შევიწროება აიტანოს ადამიანმა—კაჟის აგებულება უნდა ქონდეს—თუ ბატონყმურ პრინციპებს გასცილებია. ამას ზედ ერთვის შარშანდელი ბრძანება, რაც მკითხველს ეხსომება: არა ვითარი მონაწილეობა არ მიიღოთ საზოგადო საქმეში, თორემ აღვილიდან დაითხოვნიტოთ და სხვა... აი, ბატონებო, რა მიზეზი მასწავლებლების „ემიგრაციის“ რისაც „ხალხის მოყვარულთ“ ასე ეწინაა. ასეთმა წყობილებამ სოფელს ჩამოაკალა ხერიანი მასწავლებელი. ვინ „მარილომს“ სოფლათ? მკითხავთ თქვენ. გიპასუხებთ: ჩვენდა საუბედუროთ სოფლათ დარჩენილ მასწავლებელთა უმრავლესობა განიყოფება ორ კატეგორიათ. პირველი—ვალდებულნი არიან იმსახურონ განსაზღვრული დრო, იმიტომ რომ სემინარიაში ხაზინის ხარჯზე სწავლობდნენ. მეორე—ის ახალგაზრდობა, რომელიც სალდათობას გაქცევია და პატარაბს სულის ჯალათათ დასდგომია თავზე, პატარები ფარად უხმარია. თუ ჯერ კიდევ ორიოდ პატიოსანი მუშაკი დარჩენილა სოფლათ, არა მატერიალურ ან უფლებითი უზრუნველყოფლობის მეოხებით—არამედ საქმის, მასწავლებლობის, ხალხის და ბავშვების სიყვარულისთვის. ვიცი მეტყვიან:—მასწავლებლობა კონსერვატიული ხელობაა და ბევრიც რომ იფხაკურო ერთჯერვე ცნობილ შაბლონს ვერ გასცილდებოდა. დაგეთანხმებით, რომ მასწავლებლობა კონსერვატიული ხელობაა, მარა თუ თითონ მასწავლებელი არაა კონსერვატორი—მას ყოველთვის შეუძლია თავისი სკოლა სულ თუ არა, ცოტათი მაინც, გაწმინდოს კონსერვატიულ ელემენტებისაგან, რადგანაც მაინცა და მაინც ჩემს გემოზე ასწავლეო, რომ გვიბრძანონ, ეს ტყუილი ბრძანება იქნება. აი მუნჯური მეთოდის გავრცელებაც ბრძანებით დაიწყო ჩვენში, იმპერიალისტური პოლიტიკის ერთი მიზანთაგანია წვრილი ეროვნების ენა მოსპოს და თავისი გააბოტონოს. აი სწორეთ ამას ფიქრობდა ბ. ფ. ზ. ლევიტსკი, როდესაც ხსენებული

„არ ვიცი, არსებობს თუ არა ამნაირი მართლმადიდებლობასთან მებრძოლი კავშირი; ეს ფურცლები-კი გონივრული მეცადინეობის ნაყოფია, რომელიმე არეულობის მოყვარულ ვაჟბატონისა; ფურცლები იმდენათ ძლიერ გავრცელდა, რომ თავისდა უნებურათ ალაპარაკა მთელი პეტერბურგის საზოგადოება და შესაძლებელია პროვინცია და მივარდნილი ყრუ ადგილიც, თუ-კი იქაც გაავრცელეს ამნაირი უკუღმართი ფურცლები. ამ ფურცლებში რომ მხოლოდ „კავშირის“ დაარსება ყოფილიყო გამოქვეყნებული, მის შესახებ ლაპარაკი-კი არა ღირდა. დამტკიცება იმისი, რომ მართლმადიდებლობა რუსეთის ხალხის კეთილდღეობისათვის მავნებელია, როგორც ამას კავშირი ამბობს, ნიშნავს სრულს ბრძოლა-უზღებლობას და რუსეთის ისტორიის გაუგებლობას. ამ ფურცლებში რიხით ეხებიან წმიდა სერაფიმე ბერის საქმეებს, არა სასიამოვნოთ იხსენიებენ მას და მასს წმიდა კუბოს ნიშნს უგებენ, და ყველა ამას „თავის წმიდა და ქვემარტი მოვალეობათ სთვლიან“, თითქოს აქ ვინმეს ქვემარტიება შეეებლალოს! როგორც უფალმა არ განსამართლა ურწმუნო თომა თავისი ურწმუნოებისათვის, არც მე შეუდგები მათ რიხიანობის განსამართლებას. სერაფიმე ბერის შესახებ მორწმუნე და განათლებულ ხალხშია-კი დადის ბუნდოვანი ხმები და საკითხს: „რა არის კუბოში?“, ეჭვის თვლით უცქერიან. ამ უაზრო ეჭვის აღსნა-განმარტებას არ შეუდგები; ეუბასუხებ მხოლოდ პირდაპირ ამ საკითხს.

— „რა არის კუბოში?“ კუბოში ნათლათ აღმოჩნდა განსვენებულ ბერის ტანისამოსის ნაწილები. სხეული გახრწნილა, ხოლო ძვლები, თმა და წვერები სრულიად უვნებლათ შენახულია. ასეთია კუბოს მდგომარეობა...

„პროფესორი ე. გოლუბინსკი სამართლიანათ ამბობს: „არიან ჩვენში ადამიანები, რომელნიც ღმერთსა-კი ეჭვის თვლით უცქერიანო, მაგრამ ქრუა-გონებით-კი არ მოსდით ეს; ესენი ამტკიცებენ, ვითომც წმიდა ნაწილები, თუ ნამდვილათ წმიდაა, ყოველთვის გაუზრწნელი უნდა იყოსო, ე. ი. სრულიად მთელი, ხელშეუხებელი და სხეულს ერთი ბეწვა ზიანი-კი არ უნდა ქონდესო.“ ამ ნაირი მტკიცება უაზროა და ძირითადათ ეწინააღმდეგება საეკლესიო მცნებას, რომლითაც გაუზრწნელი ნაწილები სრულებითაც არ ითვლება საზოგადო და უთუო ნიშნათ წმიდა სათნოთა სადიდებელათ...

„წმიდათა წმიდანობის დასამტკიცებლათ ისინი ან თვით ახდენენ საკვირველებას კუბოში და ან მათი ნაწილები, სულ ერთია, მთელი სხეული იქნება ის თუ მხოლოდ ძვლები. როდესაც წმ. ნაწილები გაუზრწნელია, ეს საკვირველების მოხდენაა, მაგრამ დამატება იმ საკვირველებასთან, რომელიც მათი შემწეობით ხდება ხოლმე (იხ. ამის შესახებ ვრცელი გამოკვლევა „Церковныя Вѣдом.“-ში № 1з 1903 წ. ამ სათაურით: „უზრწნელი წმ. ნაწილები“). სერაფიმე ბერის წმიდანობა მისი ნაშთის თვისებაში-კი არ გამოიხატება, არამედ მისდამი ხალხის რწმენაში და ამის მიერ მოხდენილი მრავალ საკვირველ მოქმედებაში, რომელნიც, როგორც გამოკვლევამ აღმოაჩინა, ყოველსავე ეჭვს გარეშე და ყოველად სარწმუნო.

„წმიდა კაცისათვის ყოველივე წმიდა და საკვირველ მოქმედი, თითქმის აჩრდილიცა და ტანისამოსიც-კი, და არა მხოლოდ სხეული ანუ ძვლები. მაგალითათ: აჩრდილი პეტრე მოციქულისა და თავსაკრავი პავლე მოციქულისა ავადმყოფთ კურნავდა; ელისე წინასწარმეტყველის ძვლების შეხებით

მკვდარი აღსდგა; წმიდა კაცის ფეხით შედგლით მოსული გვამი მთელს ძალ-ლონეს იკრებდა... წმიდა სერაფიმეს სხეულის ნაშთი ძვლებითურთ მორწმუნეთათვის უმეტესად წმიდათა-წმიდა, ქვემარტი საუნჯეა, რომელსაც წმინდნი მათ არ მოაკლდებათ მისი განმაკურნებელი შევლა.

„ამ გვარად, სერაფიმე ბერისა კუბოში დარჩა მხოლოდ ძვლები, სხეულის ჩონჩხი, მაგრამ როგორც ღვთის სათნო ადამიანის, წმიდა კაცის ნეშთი, ისინი ითვლებიან წმიდა ნაწილებათ.

დრ. რედაქტორი
ნ. ი. ალექსაევ-მესხაევი.
გამომცემელი
ან. მ. თ.-წკეთლისა.

გ ა ნ ც ხ ა ღ ე ზ ა ნ ი

მიიღება ხელის მოწერა

საბოლიტიკო, სამეცნიერო და სალიტერატურო

ნაწაბეზიან გაზეთ

„კ ვ ა ლ“-ზე

(წელიწადი შეთერამეტე)

გაზეთი გამოვა ყოველ კვირა დღეს 1—3 თაბახამდე.

გაზეთი წლიურათ ღირს თფილისში 7 მან., თფილისს გარეთ 8 მან., ნახევარი წლით თფილისში 3 მ. 50 კ., თფილისს გარეთ 4 მან., ხოლო სამი თვით 2 მან. თითო ნომერი სამ შაურათ. აღრესის გამოცვლა თფილისს გარეთ ღირს ორ აბაზათ.

ხელის მოწერლებს შეუძლიათ გაზეთის ფასი ნაწილ-ნაწილადაც შემოიტანონ.

ხელის მოწერა მიიღება: თფილისში, წერა-კითხვის საზოგადოების კანტელარიაში (სასახლის ქუჩა, თავად-ზნაურების ქარვასლა); რკინის გზის სადგურზე პირველ კლასის ბუფეტში, ქსტ. ხსარტიშვილთან და თვით «კვალის» რედაქციაში.

ფოსტის ადრესი: Тифлисъ. Редакція „КВАЛИ“.

ტფილისის ქალაქის გამგეობა

აცხადებს, რომ ამა წლის 1 აგვისტოს დღის 12 საათზე საჯარო ვაჭრობა მოხდება: იჯარით გაიცემა 400 კ. საყენი შეშის ჩაბარება. შეშა ერთის წლის განმავლობაში უნდა ჩაბარდეს ქალაქის დაწესებულებებს, ტფილისის ადგილობრივ კომანდას და ტფილისის საკომენდანტო მმართველობას.

შეშის ჩაბარების მსურველთ შეუძლიათ პირობებდ გაიგონ გამგეობის 1 განყოფილების კანცელარიაში ყოველ დღე ნაშუადღევს 2 საათამდე, კვირა და უქმე დღეების გარდა.

(3—1)